

鈍吟集上

上黨馮班定遠

立春

烏啼華屋暖雀亂曉窓明睡熟貪殘夢慵多泥宿醒霜  
消看丸潤風細愛衫輕油壁西陵道芳躑滿早英

贈徐娘二首

雙然椽燭照窓紗乍見傾城一樹花髻影綠鬟遮嫩藕  
粉痕紅膩透明霞留髻席上人初醉窺宋牆邊月已斜  
翠帳雲屏蘇合暖可憐年紀正分瓜

意迴兩面月屏掩一邊風半夜餘醒在相看似夢中

射虎行

緩臂李將軍六十未封侯來往灞亭道夜獵陰風愁南  
山猛虎下擇食將軍猛氣貫山石弦如霹靂馬如電白  
羽參差大箭直草中明滅見眼光五步之內逢獸王麗

龜一箭已飲羽下視却恐斑文傷將軍才氣誰堪比桃李芳名滿人耳寢虎皮兮食虎肉更鑄赤銅爲虎子每念將軍射虎時李蔡庸庸何足齒

贈張孟恭

孟恭學余符

鸞鶴下成羣時聽誦祕文齋中囚鬼物座上起風雲五嶽敢藏藥三官應紀勛他年道成後吳猛却師君

雞冠

露洗風吹赤玉寒當庭拗頸錦毛攢不知誰與安名字何不呼伊作鳳冠

燈花

星爆織紅兩葉嬌一枝鮮潤發蘭膏香階有喜深深拜旅舍無眠旋旋銷螢尾啣光翻覺冷蠅頭欲墜莫頻挑輕煤拂落殘書卷幾向窻中伴寂寥

經廢寺

蕪沒蒼山路兵餘廢寺多鬼神應護惜麋鹿欲如何逆笋穿空樹頽垣繡敗蘿高人放雀處獵客漫張羅

懷故人

蕭索東南王氣空歸魂應自繞江楓當時錯爲蒼生起常抱焦桐怨土風

揚威侯廟

詞宋將

殿堂嚴悶亂鳥飛日照虛廊燕麥肥寶劍霜凝瓜步氣靈旗風掣順昌威中原父老悲陵谷南渡朝廷漫是非莫莫椒漿尋往事塵栖古壁長垣衣

有贈

隔岸吹唇日沸天羽書惟道欲投鞭八公山色還蒼翠虛對圍碁憶謝玄

金陵

中原武騎漫千群南北天教自此分豈是子桓英略少

祇看江水歎浮雲

紫媛

鮑北

戎衣小袖慣僂僂自得琵琶一曲歌爲說北來辛苦事  
馬通燃火照縫靴

俗人怪子飲酒操襍聊答之

橫目盡同羣何言有非類遇酒但飲之君醒我自醉

陽春曲

銀鈎絲絡雙鸞鬪錦痕花燧穠紅皺杏梁燕語莫愁眠  
絲絲日影熏殘晝玉臺霍霍挂菱花漆背金龍雙攫拏  
水翦清眸新月曙十指如葱扶曉鴉城南陌上桑芽綠  
雲影烟絲交促速長簷金犢不相迎暗上牆頭窺宋玉

題美人壁

來時堂下坐送不過門樞莫請雙明佩羅敷自有夫

猛虎行

烟霏霖雨微微依鬼啼猛虎饑山家苦竹圍茅屋遙見  
煙中尾蟲蟲夜聞前村失黃犢村路泥深印虎足天胡  
恩此物而俾之食肉不見太山之下婦人哭

越鳥

無聊自撚鬢邊絲日照殘春午景遲每對茅簷慚越鳥  
爲伊情性戀南枝

虞山白額歌

白額何從來經月山頭住山淺松栢稀止容狐與兔虎  
去山却空樵牧心猶懼去來人不知跡滿前山路

少年

角弭橫捎赭白驕路塵風起麝蘭飄頻頻回跋黃金勒  
貪看簾中一尺腰

睡燕

漠漠殘花點點泥雙栖無語畫簷低鶯魂夜月隨烏繞

穩宿春歸任鴉啼塵動歌梁應暫覺雲生巫峽不教迷  
誰看柳陌曾飛處亂絮從風日向西

戲贈

叢鬢濃蛾夢裏仙柳絲門巷酒釭邊路傍爭愛千金笑  
薄怒原來最值錢

燕四首

花覆春泥着雨香雙雙弄影日初長殷勤更向窓前語  
似與盧姬借杏梁  
斜睇雕簷欲進難迴身却立小欄干美人笑泥韓公子  
奪取金丸不許彈  
解舞腰肢解語聲伯勞相背兩輕盈將軍若愛封侯相  
正待金門甲第成  
長養嬌雛翅未齊一園竹樹晚低迷當時若愛吳宮住  
爭向茅簷得穩栖

經瞿起周曇園

華屋重來淚暗彈桐陰滿地作秋寒遊絲風撼啼鴉樹  
積草烟生鬪鴨關誰論絕交思任助空憐詠德有潘安  
壞墻醉後曾題處遍檢蒼苔自讀春

題壁

豺虎干戈總莫憂山人無地不堪游久憑忠信涸懸水  
自得忘機狎海鷗世運豈須鰲斷足眼前休羨斧成樓  
夢中占夢少年事事往休教一物留

有餉美醞者主人潛易濁醪

連引杯中物朱顏未覺酡君憐臆腹小特遣飲黃河

京口阻風

雲片起風色江邊又滯留潮疑駛白馬山似見黃牛  
瑟瑟楓林晚紛紛蓼葉秋自非京口酒何以慰羈愁

無題

此等詩極佳免卿但  
力薄耳

陳王新賦漫悲傷。金枕眠時夜正長。一尺雲鬢三寸履。  
不堪閒處細思量。

江南曲

春風一夜吹江色。千里細烟生亂碧。草芽纖細徧金陵。  
古石苔荒江令宅。年光歲歲常如此。千燒萬戰臺城圯。  
鷓尾塵埋三閣平。張孔銷亡二周死。石頭城下水悠悠。  
暗數興亡得幾籌。山川不改繁華在。兩槩依然迎莫愁。

答友人

乘月開相過。涓涓露濕衣。行來興已盡。莫訝到門歸。

猛虎行

山中道士如孩嬰。分環割臂受仙經。丹成兩腋生羽翼。  
聳身直上天行地。上到天四十里。剛氣漸堪勝步履。  
從茲步步入五雲。閻闔呀呀九關啓。當關把鉞是何人。  
鉤爲爪兮鑿爲齒。侁侁來往索人魂。口作人言垂虎尾。

吾願上帝垂至仁。當關止用雙麒麟。更令執法戮猛虎。  
始應容得學仙人。

吐綬鳥

臨風向日自矜香。若若胸前錦一團。試向丹山朝鳳鳥。  
不知階品是何官。

行路難

自許直如繩。看君自如雪。一朝更變不似先。霧裏看花  
雲裏月。夢中不悟君心異。言笑依依尚相悅。五更欲曙  
百鳥啼。玄鬢生絲淚成血。念君舊恩君豈知。萬物榮衰  
各有時。君不見黃蜂墜下收殘蕊。轉眼飛鶯過別枝。

無題

粉色初成綠未芽。有時偷笑出輕紗。玉欄翠幕緣何事。  
却護狂蜂不護花。

留題

雪絮紛紛碧樹春。蘭房長袂正留賓。黃金自取文君酒，  
羅襪從雲雜女塵。青鳥殷勤通錦字，烏龍安穩卧花茵。  
東風也似憐張緒，一曲青青一夜新。

贈別

不成歡笑又酸辛。轉燭添香已向晨。燕去漫爲朱戶客，  
鶻飛應識絳河人。重衾霜冷通宵夢，別袂風吹幾處塵。  
玉骨不堪春病在，莫教離恨着腰身。

友人壁上美人貌似桂子慨然題之

楚巷同居已幾年。只堪相憶不堪憐。客星自得靈槎便，  
一任風波直上天。

效西崑體各賦一物得枕

山骨何人琢。床頭作六安。金瘡醫莫惜。鐵網得來難。香  
熟雙鴛睡。雲堆曉馬寬。燒金有前監。莫覓寶書看。

過願仲所居

曾愛春山詠。兩脅幾教唐。勒如微詞小。樓芳援重來。處  
已是長埋玉樹時。

梅花

長廊盡處是東牆。柳絮風中見謝娘。今日不堪簾外樹，  
一枝和粉弄殘陽。

聽鶻和宋長孺

何處聽嚶嚶。東風已滿城。帶飛如欲斷。亂轉豈無情。得  
意當三月。驚眠犯五更。喬柯春日美。應念谷中鳴。

贈孫子長

曾愛珠成唾。偏矜玉似人。廿年回首處。滄海已揚塵。器  
貌清羸在。風流扎翰新。久要如未忘。盛德若爲隣。

酬友人次韻

亂來貧賤致身難。負氣回頭自屢歎。買火已燃還劇卧，  
汲薪重積盡高官。也知辛苦三分業。不及踈狂七里灘。

不是好中仰答天

何事塵中不歸去。未酬桑下一壺餐。

題友人壁

一室生虛白。依窓見夕陽。三經無長席。雙膝隱匡床。泉響茶鐘浪。芸寒散帙香。相看久無語。蕉影入簷長。

贈錢夕公

往事分明劫火然。不堪風物換新年。知君作得池塘句。又對春風哭阿連。

公子家

車馬盈官道。高門鼎食家。綠垣圍粉月。歌榭起丹霞。養鶴惟教舞。科松爲種花。錦堂宵晏罷。列炬照栖鴉。

古意

良桐高百尺。生自嶧山陰。鳳皇曾栖處。裁爲綠綺琴。冷泠七條絲。宮商變古今。牙曠久不作。誰當明此心。寄言繁手客。急弦無緩音。

村居雨後效四靈

積雨斷溪路。交知連月疎。草根通暗溜。石面戲游魚。乍冷欺衰骨。微陽展蠹書。饑來思乞食。烟火隔前墟。

送家兄遊閩

嶺外土風君未見。每逢南客話來真。野風吹霧常多雨。谷草開花不按春。番舶高檣臨海市。粵巫蕭鼓賽蠻神。長年瘴裏須將息。莫厭夷歌送酒頻。

風人體二首

擬繡田田葉。尋絲底爲荷。城頭無雀網。自是欠樓羅。半夜尋遺佩。誰知暗裏環。夾河飛白鳥。爭奈兩邊鷗。

有感

禾黍離離天闕高。空城寂寞見迴潮。當時最憶姚斯道。曾對江山詠六朝。

七夕有寄

佳節年年在人情事事非河梁今夜鵲為底又南飛

落花

一番風罷暝來時。百舌聲銷燕挾兒。盡剪繁枝應有意。偏容蔓草豈無私。佳人不折剛留得。錦幕雖遮亦強施。重到河陽問潘岳。年才三十髮如絲。

春寒花較遲

押遲字

花前疑臘在。迢遞失春期。日淡雪晴後。露清風曉時。試香初數朶。斂態不盈枝。粉冷難成笑。朱凝未吐詞。鶯啼如有待。蝶舞似相思。剪綵龍刀滿。窓中出手遲。

為友人紀事

并序

友人以潘衛之姿出入里巷。偶逢麗者愛其橫波相視。未言忽聞語同行。云是郎賞我美。眇者戲成二韻。二寸娟娟抵萬金。斜光掠處媚霞侵。橫波便是秦臺鏡。盡見蕭郎不語心。

過靈溪師舊居有感

前山雨脚過。返照入茅櫺。晝影風吹破。秋來葉滿龕。蜂窠朽像腹。鼠穴廢經函。未是忘情者。潛然更自慙。

村居月夜

微雲不礙月。木落小庭寬。老去餘錢興。朋來免獨看。鵲飛愁到曉。牛喘不知寒。莫問悲秋意。關山行路難。

偶書

少年孤露長年慵。詣死無成愧老農。墮地拖腸常作鼠。升雲燒尾未為龍。弓彎也識天心曲。弦直方知世不容。百事須愁愁不得。壚邊常羨潑醅濃。

感舊

當日樓中夜未闌。隔簾紅藥露團團。清歌山格鯨尊滿。醉袂霏香風蠟殘。暗與美人收墮珥。狂教座客笑遺冠。重來事事陵成谷。一片秋陰作晚寒。



伎席有贈

清弦響處郢歌新似柳佳人踏錦茵  
離是一身居客石可能偏惹畫梁塵

次韻王娘咏春雪

梅花如玉月如銀青鎖窻前幾樣春  
比絮比鹽俱未得知君須用洛川神

樓中憶舊五首

赤欄干下画廊前正是嚴風咏絮天  
鬢髮未梳粧粉薄舊紅衫袖擁沉烟  
苔階屐齒尚依倫散雨輕雲是處飛  
羅袂近來長幾許可憐曾道拂臣衣  
墜馬雲濃壓領巾素衣光潔不生塵  
燈前衆裏分明見一種纖長最著人  
病容微白有時黃綽畧梳頭不畫粧  
半下玉鈎簾裏坐

怕伊團扇動新涼

月爽秋空露色鮮小屏香裏別神仙  
不知屐響歸何處照骨雙環墮枕邊

代友人和錢太保葦城詩

文梓飛飛鴛與鴦金籠雙宿羽毛香  
可憐漢洛虛投佩自笑東家漫隔籬  
月照綺羅看玉樹風和絲管合金堂  
柳星只在天南畔莫挽長條憶武昌

鴻門行少作

鴻門壯士樊舞陽頭裹鐵冠三尺長  
直將猛氣當項王楚兵百萬如羸羊  
驪山之路塵蒼茫熊熊王氣擁日光  
此日神龍脫刀俎十二諸侯虛裂土  
項王重瞳若無睹座上英雄唯亞父

次韻四時回文宮詞四首

雛鶯小囀乍驚眠內苑花開未禁烟  
爐鴨凝寒春夢淺

鏡鸞呵冷曉粧妍。鋪堵玉鈿梅。飄粉覆殿金條，柳驕綿  
珠露滴殘鐘漏斷。烏啼繞樹碧窻前。

雷輕響處走和鸞。隔院歌聲語笑歡。臺樹碧雲侵殿帳。  
洛蓮紅露滴珠丸。頰髮綠枕水綃薄。膩粉香肌玉簫寒。  
開扇翠花金尾鳳。垂簾繡額錦龍盤。


秋聲一雁喚清霜。點點苔錢碧砌涼。愁掩舊屏銀燭暗。  
恨題新字粉箋香。鈎鈎月墮梧宮夜。剪剪風寒水殿湯。  
流淚暗銷魂夢斷。樓空倚遍數更長。

風輕觸處動簾鈎。老榦冰花浸水瓶。紅燄獸爐金冉冉。  
急絃蠻柱玉泠泠。空屏画蠟烟飄。暗牖瓊鈎月掛楹。  
籠繡凝香椒壁暖。重門禁院靜垂鈴。

偶題

曾愛東風惹夾衣。柳塘春影碧依依。如今老心情減  
每遇良時哭始歸。

鈍吟集上



鈍吟集中

上黨馮班定遠

丁亥元旦

曉起看日色心知歲已遷強持藍尾酒聊自賀新年芳  
草此時綠白頭何日玄景光須愛惜努力及春天

答友人

蝶飛鶯囀莫逡巡早是蕭郎恨過春月上香清簾外立  
當時脉脉爲何人

原詩云  
籠外有光  
新月  
簾中無語  
異香清

贈妓是杭人

花繞閨門千樹新  
可堪風物逐行塵  
吳兒莫漫誇佳麗  
一个西施是越人

錢耐翁五十初度成詠不勝斐然輒繼蕪陋次韻

相看不厭酒尊香  
笑口頻開月幾場  
彭祖千年方是壽

侏儒一節湯爭長。廢興閱世應難問。富貴酬身不易償。  
蘭玉滿庭方五十。好披班綵悅高堂。

贈友人

阿侯居處玉爲堂。誰弄朱絲奏鳳凰。夜色帶煙初上鏡。  
印痕如畫見鴛鴦。牆頭香斷狐蹤在。錦字書頻鴈足忙。  
莫遣鄒陽知好色。一春消渴似遊梁。

別維摩寺雙鵲

花鵲似知吾欲去。雙飛遠送出高松。手中啄食尋常慣。  
向後他人恐不容。

樓中憶春詞

曉風撼羅窓。凝霜封碧瓦。樓中淡日紅。亭亭瑣碎玉。  
鳴簷馬花奩。金隱古漆光。口脂凍滑珊瑚香。低鬟壓領。  
朝粧懶。試倚朱欄欲斷腸。愁雲塞路關河外。水痕合處。  
無青草。青皇消息隔嚴城。小院苔荒人自老。

答故人

胭脂紅點淚分明。一尺魚緘十載情。若道猿啼似詩句。  
君詩便是第三聲。來詩有猿啼之句也

古臺城

六朝形勝画中開。重疊河山勢盡迴。誰躍青驄三閣下。  
會聞白馬壽陽來。東游漫費秦王力。北去空教庾信哀。  
此日蘭皋徒極目。百年江表只蒿萊。

金陵贈北客

城郭昔空在河山。今已非新來建業。水真作首陽薇。

落梅著題體

歲前偏耐雪。此日不禁風。鳥動一枝散。蜂來全樹空。未  
應妨李白。祇是避桃紅。碎月香堦上。微霜碧瓦中。笛聲  
尋舊曲。粧樣自深宮。惆悵鶯啼處。殘鬢正滿叢。

自疑

崩緣苔蔬拙言詞每過交親却自疑惆悵不能營馬磨  
頰中藏食哺饑兒

故陵

漢帝邯鄲道曹公銅雀臺已知身是土未信劫成灰日  
薄松門闕山空石馬哀千年華表在誰見鶴飛來

送友人入蜀

萬里風波去任人不禁雙淚濕繡塵君過庾信臨江宅  
莫泥東墻覓舊鄰

夜坐忽憶玉生昔年

露滴空階月影遲小庭餘冷滯花枝璧人醉解頻相喚  
蘭蕙生香不睡時

甲申紀事

難將盛德滅氛妖鳳闕風塵直北遙紫氣既能克帝座  
時四月十五夜長星何忍轉青香五月初三日也知富  
紫氣充紫微垣

貴同芻狗爭奈衣冠作土梟將相紛紛盡苑鉞柱天誰  
擬樹靈鰲

冬白苧歌

吳兒種苧青筠簌吳女機聲鳴續續綠波洗出白如鉞  
擬進華堂克暑服豪家事事爲歡別愛向冬天學迴雪  
巧裁雲影帖姪娥縞帶素霓前後結低腰一轉撒盪飛  
羨速梨花應繁節燭淚堆盤方夜飲熊席象床閑不窺  
舞衫纖薄祇如烟白苧此時勝重錦

追和秦上人見贈之作次韻

鏡裏愁看兩鬢絲年華相背去如飛故交別我成秋草  
塵土欺人滿敝衣酒病不眠長夜坐春風無趣一身歸  
誰憐老驥思千里世上如今只舉肥

兵後送友人避地

樽酒傾未盡征車發已遲可憐從此去長是憶君時憐

火宵行怯。墟烟曉望迷。詩書已無用，何處覓新知。

故人殯宮

總帳風吹破，秋光射隙塵。朝來阿鶯嫁，辭哭最酸辛。

兵後借居村中

借居茅屋小，八口仰孤身。盜詭非貧相，僦似武人折。  
書糊破壁，乞酒慰比鄰。誰寄城中信，開看淚滿巾。

張宗之新有所納戲贈

交關合匝錦屏圍，月照簾花玳瑁稀。秦女扇邊開粉面，  
丁娘燭下解羅衣。仙家綵鳳須雙舞，池上文鴛亦並飛。  
聞道交梨近成長，莫將黃赤泥安妃。

宗之與余同師學道

立春日次錢遵王韻

梅花拂拂柳毵毵，半夜春來睡覺酣。曾向羅敷窻下坐，  
最思朝日到東南。

維揚客舍有別者，余悲其意，爲題一章。

床下別郎何草草，欲起送郎畏兄嫂。江陵郎去三千三，  
阿儂不踏門前道。

東塔寺訪源公同過錢履之幽吉堂午齋次履之韻

自識吾師二十年，塵中物外總相憐。詩章合道無過遠，  
拚鉢隨時便是禪。香積飯來寧有盡，威音臘古更誰前。  
莫輕一食爲恒事，好與他生作宿緣。

重疊前韻示源公

論詩講義共年年，故紙辛勤最可憐。不是高人爲解縛，  
爭教外學不妨禪。總驅塵累離心地，盡放烟花着眼前。  
一笑何時容我醉，過溪休忘舊因緣。

途次朱方舟中聞貴人琵琶

朔雪淒風陣陣來，子絃挑抹有餘哀。不知本領誰邊得，  
大似吾家繞殿雷。

江上贈郭四將軍

久向江南住。衰毛長鬢邊。衲殘經戰襖。用盡買刀錢。屋  
小深秋後。霜濃病起天。相逢空撫枕。楚豫足烽烟。

錢願仲眼疾二韻問之

顧眄分明角尾長。曾將點漆比清揚。春風正作看花約。  
飛白何堪拂電光。

故人墓下作

一朝世事已。嘯蟻坐相親。馬鬣空山下。悠悠長夜人。霜  
摧懸劍樹。風掃素車塵。鷄酒平生語。今來淚滿巾。

登樓有懷羽仙

樂事拋人容鬢改。高樓空在管絃無。花梁風到凝塵墮。  
慚愧徐娘一串珠。

書情

覆盆無路得窺天。四十淹留祇自憐。世味無堪真海鳥。

吟情多恨學鳴蠅。追尋舊事緣貧病。誤露新心會醉眠。  
胸次只今何所似。月高樓上有涵烟。

衲衣

鏡裏衰殘換舊身。貂裘敝盡衲衣新。襟前壞帛君知否。  
猶帶歌梁一片塵。

團扇歌

白團扇出自吳女機。中練美人映日把。看時芙蓉粉光  
生素面。憶得邯鄲新嫁娘。畫燭亭亭燒鳳皇。珠盤翠壓  
車中出。琤琮顫動黃金璫。虬漏聲聲五更促。猶抱團圓  
掩香玉。姮娥對面不分明。上弦初見仙人足。五侯宅裡  
花沉沉。蘭堂宴客良夜深。斜開半掩嬌歌斷。一串明珠  
不可尋。回撲梁塵四座笑。惟有周郎知此心。我看白團  
愛不已。蒲葵鳥羽誰堪比。秦鸞烟霧畫時難。莫爲秋風  
捐篋裏。

偶書

白髮衰殘客危時偶得安故交零落盡未契托人難

無題

鏡合鸞歸匣珠還月在淵花迷愁匝路臺迥欲中天未  
省當關此番因夾座懸目成波渺渺眉語柳娟娟醉客  
欣交尋神仙戲拍肩才多量計斗笑重價盈千曲誤頻  
遭顧杯深取次傳窻迴蘭燭影屏咽麝香烟帶綰雙絲  
合環聯兩壁圓枕函拋玉馬釵朶壓鳴蟬竊藥歸蟾窟  
浮槎著斗邊何當金扼臂珍重與羊權

美人手巾

龍腦薰冬入縷香輕雲一葉照人涼塔前暗墮誰收得  
認取宵來粉汗光

旅次

投足竟何所此中來往頻衣裝過淮薄艸木隔江春店

嫗識疲馬老鴟欺旅人又聞前路此酒淚濕緇塵

悵望

不知何處碧田田烟隔高樓月隔烟更仗回風寄消息  
狂吹亂送向誰邊

有憶

鏡空鸞自去月冷鵲還飛經夏紅榴發新秋白露微釵  
分孫壽髻香上賈充衣舊日當窻處今來只掩扉

感事

風景當前漫撫膺東南忍見杞天傾龍盤王氣山空在  
馬渡江潮水未平誰致倒戈攻鎮蹙更聞降孽掠燕城  
謝安王導惟丘墓天塹徒縈十萬兵

愁眉

雙雙桂葉聚愁態滿香臺不遇張京兆無因掃得開

送葉羽遐遊天台鴈蕩



策杖亦何求蕭蕭作越遊鴈聲千陣下仙跡幾人留積  
水藏深嶠飛梁架瀑流赤城誇舊賦金石合相俦

題顧孝柔寸灰集

年長看花不及群蹲前常見淚紛紛分桃斷袖平生愛  
擬與休文作散文

織綺

織綺盧家女蘭窓對板橋投梭織玉軟唾袖小紅嬌城  
上烏聲曙簾中月影消銀燈花自爆相望夜迢迢

戲書

細影動簾花高門白日斜路傍相借問知是冠軍家

背面

二月花枝若雨天石橋流水小門前無因得見陽城笑  
背面惟看似削肩

和錢耐翁次先師韻

廿年藜藿許同嘗曾爲成章賞我狂草發陳根山自碧  
鶯啼宰木梓空長東門有恨還無處北海何人爲立鄉  
最是駑駘筋力盡幾回驥首憶孫陽

少年多蒔花草秋來繁茂

穠艷誰相許明朝亦是塵莫嫌秋菊淡曾比洛川神

苦雨

水痕終日長籬外卽橫流激岸頽空石臨橋礙小舟鳩  
喧無靜樹魚徒欲欺鈎何日西簷日雲開慰我愁

答友人

露寒風重夜悠悠珍重姮娥到樹頭莫向牕中闕衛玠  
綺羅輕弱不禁秋

美人房前花草戲題

牆下依文石堦前隔綵簾何須問長短只是鬪濃纖蝶  
亂風多暴蜂輕露莫淹羅裙有幾幅繡樣更應添

戲贈願仲

清岳多愁無是處誰將芳耐慰淒淒青禽來往春宵促  
莫遣臨期醉似泥

寒林

曲直郊原樹風中寒色來枝交夸父杖意盡仲文槐漏  
日穿斜影封霜滑破苔秋前播落意年長倍添哀

有答

卧病維摩只一床紛紛花雨墮衣香本來實相無男女  
不畏天人試革囊

夫差廟

歌舞高臺一夜傾甬東遺恨更難平江濤他是無情物  
解爲忠臣作怒聲

七月梨花

粉態穠時月影斜天然太白更難加河邊織女應無恙

只是金風愛素花

舟中見

曉風催發木蘭舟擬托微波又自休滿眼金閨好光景  
水牕鸞鏡見梳頭

小友輩以箕召紫姑其神附箕自書姓名云守  
籙壇官孫緯多言道家事

神人知我籙中名常衛齋壇擁吏兵猶向風塵求富貴  
半生慚負寇先生

毛子晉五十寄賀

餘英溪畔省當年膏火終宵共一編日月過頭君似長  
雪霜生鬢我慚先仲雍山下侵牕草尚父湖邊撲棹烟  
兩地景光無遠近遙傾尊酒祝華顛

見贈答者次其韻

自是多情易得愁幾曾清淺隔河流薔薇援裏朱欄畔

與陸玉梳頌詩同意

記得看人笑轉頭  
閒人無事莫生愁  
石自纍纍水自流  
何計得成莊叟  
隨風飛落玉鈿頭

壽袁重其節母次韻

首冬和氣在獻壽及佳辰  
四海識賢母一家如古人  
風霜常似舊陵谷幾經新  
莫訝桑田改千年未一春

錢願仲爲余篆印作二癡字兼贈詩句次和

半世從人笑新來自說癡  
煩君題玉筋珍重莫相疑

書情

上客留金絡佳人降采輶  
幾時迷下蔡直是息芝田  
促點催瓊漏光風到錦筵  
杏梁塵漠漠樺燭淚漣漣  
雀盡銀屏合駝鈎紫障  
塞鳴鶯驚小杖文菊襯花磚  
粉墨新粧點靴衫巧結纏  
鴉衣遭朴重牛口定場先  
嚶唱添新拍繁聲應急弦  
舞嫌獅子鬧歌賞踏搖便  
獨許淳于醉

以荃代蘭不免越韵

難容阮籍眠敢矜車從好誰看帽  
簷偏隱臨珠箔紛紛隔綺錢  
如聞求墮珥瞥見整金鈿  
河澗星還動雲空月自懸  
盡開三里霧高映九枝然  
半額凝嚶淺承權隱笑妍  
徐言開貝齒慵眄轉鸞咽  
纖指圓搓玉豐肌弱勝  
綿纈裁魚子細裘表鵲  
鷗鮮鹿爪生情着犀釵  
出樣鐫羅巾閒不展綬帶  
巧相穿束得蜂腰促梳成  
蠶尾卷怯難持玉笋嬌不  
蹋花璫鼻掩誰能妬衫飄  
未許牽唇分朱點破耳帖  
壁輪連凝唾花疑染長吁  
氣勝茶斜柯偏阿那立望  
更遷延賣眼矜新柳論心  
詠石蓮逆愁爲蠅蝻祇恐  
化玄蟬明珮初投漢羅衣  
漫憶燕散來衝暮雨歸去  
隔非烟石闕啼難盡蘭膏  
火自煎劍分還有數環合  
豈無緣隱語橫波惡幽期  
却月圓難辭巫女怒敢乞  
蔡經鞭錦段憑良信瑤珞  
竹報篇惟應張壯武知我  
值神仙

叙舊次韻和錢夕公四首

紛飛霰雪又殘冬，愁擁薰爐四體慵。書襲錦箋虛鄭重，繡拋雲帖任蒙茸。韓生已見魂成蝶，洛女徒教態似龍。長夜不眠思往事，玉花雙墜淚溶溶。溝水無情坐見凌，白頭長嘆玉壺冰。名花正好逢啼鵲，白壁生瑕爲點蠅。休弄歌聲尋笑侶，祇持經偈伴尼僧。渡頭桃葉重逢處，試問前期定未曾。雲洞重門怕上關，昨來消息到蓬山。鳩媒得路休辭拙，才子成仙不道頑。月上碧空還自墜，蘭當朱戶不教殘。千年一夜無長短，氣序誰將鳳曆頒。當年秋夜對新蟾，最愛斜風側帽簷。蘭炷生花嫌漏短，沉烟和棗喜香甜。可憐霜氣交華筭，不覺風聲透錦簾。季主莫談龜策妙，他生緣會恐難占。

贈妓次陸勅先韻

芳草王孫有暗期，藏烏門巷莫頻移。千金價重唯須笑，一尺腰纖不爲悲。軒裏誰看如鑑髮，城中爭效遠山眉。休嫌春景相催促，萬歲花開恨較遲。

和友無題

纖手掠雲髮，衫輕玉釧寒。梁家新髻樣，轉側鏡中看。

梅花四首

緝袍衝冷爲尋花，如此閒忙亦可誇。屋角出牆初見處，村頭臨水是誰家。北風正暴翻添思，淡日偏宜不用遮。寄語灞橋驢背客，好增新句詠橫斜。偏與山家物色宜，不須歌板却須詩。若教帶影和香賞，難得無風有月時。石上苔生寒已較，籬邊雀鬧暖來遲。簾前日影朝來早，開盡南枝到北枝。素質先春迥出羣，相思何處夢紛紛。莫言蕩婦樓中粉，只是仙人嶺上雲。半樹臨風驚曉色，一枝如雪立斜暉。

季迪絕唱在前後人  
難爲言矣

偏憐最有池中水，纔得水開已照君。  
衝雪迎春有底忙，不教顏色染新粧。  
錦川最惜文君寡，銀漢虛傳織女亡。  
自許芬芳通夢寐，誰人鐵石似心腸。  
一枝早發君知否，應為江南是故鄉。

綺窓

綺窓鴛瓦近中天，誰起高樓闕謫仙。  
鶴寄素書通弱水，龍耕瑤草接芝田。  
鉢衣欲着天風冷，明鏡臨粧海日鮮。  
阿母不知何處去，簫聲一片隔非烟。

壬寅冬日偶成

宛轉藥爐前，蕭蕭日影遷。  
羸形支病雀，衰耳沸鳴蟬。  
貧賤應終老，辛勤又一年。  
惟餘殘氣在，把筆欲箋天。

示錢遵正

咄咄書空卧，悠悠何所思。  
死生雖有命，富貴已非宜。  
且飲陶潛酒，休吟阮籍詩。  
庭槐漸憔悴，誰謂更無知。

和牧翁紅豆花詩八首

八絕珠玉警白不侶着  
意為之者

廿載方看白玉叢，人間桃李幾回空。  
何因結得相思子，應為當心一綫紅。  
洞府春秋世不知，濃香淡色發來遲。  
莫言滄海揚塵日，只是仙人罷弈時。  
香粉生光月影微，分明玉女瞰窻扉。  
侍兒應待珊瑚實，擬向金籠打雪衣。  
方丈蕭蕭翠影遮，隨緣說法任毘邪。  
默然不語支頤坐，香散天風一樹花。  
摘得仙花似粉姿，更看綠葉似仙衣。  
香風一陣前庭起，三素雲中玉女歸。  
雞犬桑麻共幾家，仙村不合種凡花。  
漁舟若向當時見，枉煞溪邊兩岸霞。  
遼鶴休言世事非，一枝重見雪霏微。  
無緣夢裏成蝴蝶

長向花間冉冉飛  
容易非時不肯開  
人間地薄偶能栽  
但令斟雉人常在  
堪向花庄醉幾迴

和顧麟士玉觀音重歸詩

樂邦與堪忍相遠  
真幾何我欲見  
此境在心不在他  
存思日落處有佛  
阿彌陀巍巍二大  
士寶冠高岌峩觀  
音寶冠上化佛如  
釋迦冠相觀已成  
全身現規模真金  
非凡金光色亂交  
加至哉妙觀力方  
便莫此過執色求  
見佛我聞佛所訶  
然彼徒涉者假筏  
方渡河所以震旦  
人貌寫不厭譎良  
金入鎔範貞玉費  
珠磨或為善天女  
慘低雙蛾白在垂  
兩臂被髮紛倭佗  
大悲救苦尊示現  
無恒科凡夫勤禮  
奉獲福無叅差顧  
公有瑞像温温白  
玉瑳一旦被揭篋  
得失煩巡邏夢想  
不去心如彼絲在  
梭大弓忽來歸喜  
極煩吟哦我感顧  
君詩為君矢我歌

夢覺與得喪理齊  
即非魔十萬億佛  
度去君今無多

集戴介眉白醉樓次韻

莫對桑田話陸沉  
紛紛陵谷已難尋  
庭槐生意今餘幾  
楊柳衰枝自不禁  
往事豈堪看白髮  
新交且喜見丹心  
敢言戶小辭盃酌  
未盡山罇願更斟

長至日同鄧肯堂飲陳鄴僊齋中

相逢正賴酒如泉  
况是嚴冬近晚天  
楓落也知無好景  
雪飛且喜待新年  
頻呵凍筆詩初就  
醉泥寒氈嬾欲眠  
世事所須惟一笑  
此中何似竹林邊

早春對酒戲贈嚴武伯

對景一樽酒勸君  
君莫辭曉風猶拂  
拂午日已遲遲芳  
草初滿路繁花未  
著枝莫言春尚早  
正是少年時



國家圖書館, NATIONAL CENTRAL LIBRARY, TAIWAN, R.O.C.

沐水

金身集

純吟集下

上黨馮班定遠

柳枝詞四首

汴水東來欲下遊。千條依舊裊金絲。蕭娘流落宣華死。  
當日春風爲阿誰。牧馬無聲畫角哀。亂絲如雨壁門開。霜凝  
組練烟中立。萬乘旌旗按轡來。姊妹相隨不肯歸。晚風齊換  
夾羅衣。爭搵玉手垂楊下。捉得輕綿又放飛。烏帽羅衫稱少  
年。柳陰門巷覓神仙。馬蹄亂踏花街影。不覺長條習玉鞭。

學劍

自被儒衣束此身。半生長愧甑中塵。無端去學猿公術。  
又恨猿公敵一人。



雖露而佳巧不傷雅

神似義山

露而無味集中最下  
作也

答友人薔薇絕句  
得人憎處是薔薇  
絲帶緘鈎愛惹衣  
誰向美人簾外種  
青禽來往不通飛

六月不雨至七月夜聞富家歌樂  
朱絃風脆清疑玉  
画鼓聲乾噪似雷  
裂石焦金渾不管  
綺筵惟要月光來

當年

歷歷當年只夢知  
蒹葭曾得倚瓊枝  
朱絃調緊偏醒處  
香蠟珠殘未去時  
自是鄒陽謾入骨  
枉教潘岳鬢生絲  
一緘幽恨分明在  
烏白河清是後期

薔薇

芳援長條發穠鋪  
一片新欺他楊柳  
軟如殺牡丹春  
縱着朱塗頰其如刺  
滿身牆頭看自好  
料不爲東鄰  
和錢求赤季夏偕令弟願仲共飲張氏池亭次

韻

柳困花嬌草不香  
池塘物色正驕陽  
山河自是難開眼  
風景無端總斷腸  
金犖百分休訴滿  
瓊枝雙映玉生涼  
學他周顛騰騰去  
一任栖烏下女牆

錢願仲不赴張來文踏雪之期詩寄同遊諸公  
因次來韻

何事無情阻共歡  
可憐勝處滿林巒  
花催謝女吟風絮  
鶴憶堯年拂羽翰  
錦袖香寒添穿餅  
罽袍人醉泥雕鞍  
重重碧玉猶如玉  
應待明宵月裏看

願仲夢中作謝酒詩醒時憶次聯二語戲爲足  
成之

未得三年醉恒思  
百斛舟春風常遣渴  
秋病倩治愁響  
滴珍珠落光生琥珀  
浮山樽閒自引幾度到青州

咏衰花有所况

不可解

來去看花總斷腸  
鶯啼聲裏損年光  
不愁不笑渾無緒  
寒露滿枝寥落香

咏蟬和伎人陸采

一從玄露下青冥  
嗚呼高枝鎮不平  
美女髻輕憐兩翅  
侍中冠好稱長纓  
偏教絡緯能相續  
祇怕螿螂解隱形  
聞道齊王最多恨  
爲誰還作舊時聲

絕句

江南處處水如油  
日夜如雷似我愁  
一陣楊花無覓處  
波中點點作萍流

芍藥

謝眺堦前草深春  
一片紅蕖黃金點  
點苞嫩繡重重  
粧罷愁初起歌餘睡未融  
畫欄人別後兩兩蝶相逢

道館烏

散似飛灰聚作團  
凌晨啞啞滿荒壇  
金丸年少閒看過

道是神鳥不敢彈

追和羽仙

虎丘明月自年年  
誰把歌聲送酒船  
應是名花容易落  
非關風露不相憐

春日憶玉生

燕語舊相識花飛新別離  
一春襟抱在不得故人知  
知已以飛謗逮詔獄有詩見及答之

手栽桃李未成陰  
荆棘無端却滿林  
倚伏莫知元化意  
滄桑不及世人心  
孤衷忽忽空長叫  
千里悠悠寄遠吟  
華蓋可憐當狹路  
未知何處要盧湛

見吳妓慨然時崇禎末年

歌舞吳宮自舊傳  
館娃遺跡已脩然  
不愁繁盛無西子  
但問從今得幾年

醉吟次陳在茲韻二首

半生牢落只吟詩，澆盡窮愁酒一卮。世事如鳩慚鵲巧，身名似蝶骨蛛絲。丹心自苦空懸日，白髮容人更幾時。倚伏到頭須自省，不應天網亦留私。

天幕恢恢絕四鄰，陳平囊牖怨長貧。一從豺虎乘時運，便有狐狸托鬼神。城郭自然千歲古，衣冠爭奈一番新。丹山何處容威鳳，祇抱饑腸泥碧筠。

存歿

叢花亂草小欄杆，幾度披尋淚暗彈。玉樹土中銷鑠盡，總帷清冷泣孤鸞。

和友人己丑元旦

寒盡春生又一年，人間萬事轉紛然。五更不寐聽鷄坐，莫似劉琨擬着鞭。

簡錢願仲

陶令饑來常乞食，袁安遇凍亦高眠。衰羸羞道前人事，

自爲忘憂假十千

秦淮花燭詩十首爲江右蕭孟昉作

七尺屏風到地花，行行鳳蠟罩紅紗。銀塘水碧芙蓉煖，洛浦分明上曉霞。

誰向盧家羨阿侯，千年楚水碧悠悠。玉盤仙果勝桃核，多子盈房貯石榴。

雲作仙輿鵲作橋，鳳簫雙奏夜迢迢。恩情祇覺千年少，長向麻姑問海潮。

海山香起碧氤氳，彷彿天姿隔薄雲。真語傍人應不會，自携仙棗付楊君。

楊柳鴉啼碧瑣瑤，珊瑚冷滑掛明光。蕭郎大勝秦家婿，胡粉盈奩待曉妝。

翠帳沉沉玉枕光，合歡花錦覆匡牀。成都簾下占星客，曾道和鳴似鳳凰。

感慨悲歌不露圭角  
此真古調惜氣短力  
薄耳

桐峰文梓幾千尋玉軫朱絲合作琴若問絃中情幾許  
西江流水未應深  
百尺高松掛兔絲分明膠漆百年期少君才格難酬對  
月扇開時合自知  
亭亭紅穗蕪蘭缸深下重簾閉綺窻金屋生香花滿眼  
堪憐物物盡成雙  
椒花猶未是能文百願初成敵左芬五色花箋裝玉軸  
須教濕麝雜香芸

雜詩七首

日暮沙風起駑馬不肯前平生舊行處黃河古岸邊戰  
地添新壘荒墳露壤乾試問遼東鶴如今是幾年  
人生抱志節所遇蓋偶然往往中下林逢時幸瓦全盛  
譽冠中區膏明惟自煎支天計不就今爲人所憐  
誦君慟哭書詠君黍離詩悠悠寸衷事百歲當誰知臧

獲駕駑蹇騏驥無所施天崩與海竭共盡亦何辭  
苟生既不易罔死亦何稱生死諒微渺神理儻有憑  
薪以待燃履霜未知冰多謝俗中子迷謬何相仍  
濁河冰欲合北風雪滿天荒村無雞犬亭亭起夕烟暮  
齒猶爲客經年在道邊誰言蘇季子惟須二頃田  
讀書目力盡彎弓臂不開栖栖五十載餘生真可哀山  
川百戰處昔人已蒿萊於今一具骨不知何處埋  
始言風嫋嫋俄見雪紛紛窮冬白日促垂老却離群孤  
囊空敝衣一身愧長勤惟有庭中樹偏傷殷仲文

有贈

杯酒煩君勸依依尚故情燈前一笑後應便隔今生

偶作

漠漠悠悠一片塵滄桑轉眼幾迴新娑婆世界寬如許  
寸步何曾著得人

贈歌者

莫厭樽前送酒頻。座中爭愛小腰身。憐君大似青鸚鵡，慣啄雕籠學罵人。

書歌者便面

多情深賴使君知。歌舞筵中已不宜。白髮滿頭塵滿袖，慚君誦我少年詩。

錢遵王齋中雨夜小集分得盪字

小池水滿柳垂簷。雨散輕埃正隔簾。酒卷白波春漠漠，花生紅燭夜厭厭。不辭衛玠清談倦，已覺淳于飲量添。銅鉢莫頻催拙速，自憐刻畫愧無鹽。

芭蕉

羅窻影動綠雲深。愛得苔階片片陰。昨夜亂聲珠濺淚，曉來更展一重心。

村居

村景蕭疎亦可誇。一圍桑柘半籬花。畏人不避能詩客，貪醉常慚費酒家。老屋祇愁梅雨到，遙山偏愛白雲遮。鐘聲古寺堪閑賞，認得田間小徑斜。

題友人聽雨舟

蓬窻偏稱掛漁簑。荻葉聲中愛雨過。莫笑陸居原是屋，如今平地有風波。

臨桂伯墓下

馬鬣悠悠宿草新。賢人開道作明神。昭君恨氣長弘血，帶露和烟又一春。

雉子班

空城草頭蟲簇簇。花雉斑斑兩相逐。十步一啄食自足，雄飛決起不一丈。雌來領雛呼穀穀，雖不及鳳凰將九雛。猶勝烏生八九子，夜夜啼呼上人屋。

題畫

是何言歎

是何言歎

風狂雨驟浪滔天齊力號呼上水船時運不來還似此  
同舟幾箇解相憐

朝歌旅舍

乞索生涯寄食身舟前波浪馬前塵無成頭白休頻勤  
似我白頭能幾人

東鄰

索郎經月頻疎隔燈影東鄰夜按歌畢卓也知名教樂  
只應無奈五更何

戲題

世間無賴是豪家處處朱門鎖好花惟有夢魂難管束  
任他隨意到天涯

題畫

長日臨風凭小闌蕭蕭六月覺微寒平湖只在前山下  
閒看烟梢揀釣竿

楓

逐客魂歸天上路水光楓色兩參差不知千里傷春日  
何似秋風葉赤時

雪中即事

大片紛飛惹鬢毛漸看雲色似西郊晴堆牆下層層剝  
旋入波中一一消盡出釣翁漁笠重催來佳客馬聲驕  
相逢莫厭連宵坐火滿紅爐酒滿瓢

飲許氏園中

晚花春草盡依稀露濕闌干月照衣曾省廿年前舊事  
至人如故客來非

癸巳元宵集載德堂話舊

文讌當佳節相看引興長喧闐鏡鼓雜笑語酒尊香月  
冷春猶淺燈紅夜未央尚殘年少意未謝昔時狂

題西爽齋

直寫韋端已句

雨後田塍淨，風生樹色寒。讀書違俗好，學稼避時難。已覺仙源近，誰知天幕寬。幾年桑海變，松菊自平安。

丙申人日過隱湖和確庵韻

秋酒吳羹集草堂，紛紛霰雪滯春光。庭梅芬馥揚州句，烟樹蕭疎五柳庄。且喜琴書消歲月，共看容鬢歷風霜。相過相聚俱堪畫，草色平湖着野航。

又和子晉韻奉詠

跨水依山架小堂，一編當日借餘光。雲添樹色春疑畫，月照松階夜引觴。夢裏童心消已盡，愁中白髮可勝長。故人零落遺文在，好爲花溪炷板香。花溪先師山齋溪名同子晉讀書其上

丁酉重九日登雙蓮閣

極目平疇瀟南山，望裏賒香風吹早稻。落葉露村家有酒，思元亮裁文憶孟嘉。明年各健在，莫厭插黃花。

偶成

觸景逢人總不宜，萬般繞繞只心知。貧非所病惟憂老，酒不祛愁却發悲。獸困鳥窮原有命，鳳來麟出也因時。不知隴上躬耕客，眼看塵寰更若爲。

自題小像

蓬萊淺去神仙老，幾度人間暑與寒。盡日窻中相對坐，羨伊猶着舊衣冠。

毛子晉六十生日并序

吳中自昔多名流，百年已來風流未沫。每讀其遺編，未嘗不慨然若與同時而游也。余年十六識隱湖兄于魏氏之花溪，于時沈雨若有文詠，喜交游似前輩人。嘗嘖嘖口毛東美，不置東美子晉未冠時字也。至于今日三十載如一，屈申臂世塗陵谷，讀書種子存吾二人爲不食之碩果。皓首相見往事顯顯，然猶在心目隱湖汲古

之閣藏書數十萬卷富甲海內四方高人名士歸隱湖  
如水之于海入其門童僕知書如鄭康成子弟頭角嶄  
嶄如荀朗陵予憶結髮時從長者見錢功甫隱君子南  
宮坊值其晒書有大軸如金剛杵爲元人訓和之作倪  
雲林柯丹丘顧仲瑛皆真蹟娓娓言唐沈文祝往事以  
爲今無是人使功甫見隱湖豈復有此言耶今年春隱  
湖甲子一周往還多善頌之文予繼之一章

滄桑世事湯悠悠尊酒相看兩白頭好事也知同古昔  
名人幾個與風流繙書夜永宜無倦種秫年豐合倍收  
待得春光景好湖頭應許泊漁舟

行雲

滿袖啼痕雜酒痕百回消息暗銷魂無端一片行雲起  
知是瑤姬不敢言

殘月如新月

碧雲初合處朝霞未上時一鈎簾畔玉半面鏡中眉  
影徒相似刀鏢已過期淒涼經月恨惆悵不眠知

賣泉二絕

透石沉沉一鏡圓無塵惟有碧苔鮮秋來露白山根冷  
靜照中庭徑尺天  
漱齒偏宜醒醉眠瓦瓶携得帶秋烟不辭施與閒人汲  
無奈胡姬要酒錢

送陳確庵楚遊二首

三戶存亡澗愴情此中神理自難明方城漢水今何似  
爲我投書問屈平  
上游形勝算興亡回首金陵事已荒雲夢不知寬幾許  
與君胸次合相當

題石林寄巢詩次勅先韻

瘦影窓前伴苦吟小樓燈火夜深深水禽馴養憐高韻



詩少年時故紙鑽研怕累心蓮社有人偷講義廣陵夫  
譜絕知音善琴繩牀書像今存否思向霜縑禮道林

追和顧中庵示子詩

世換先生隱柴門不設關潁川堪洗耳愚谷欲移山談  
笑誰為侶詩書老伴閒九原添宿草猶識舊容顏

孫孝維三十生日三首

早親菘韭事金仙彌勒龕中絕世緣天樂一聲迦葉舞  
便應會得祖師禪

青瑣批鱗拜杖歸諸甥誰得似牢之梁塵動處風流在  
猶是當年顧曲時孝維與余俱陳莊靖公甥莊靖在里中好與羣從傳粉墨為戲考緝知音

所居鮮菊靖宅也

避俗初營一畝宮春松金粉滿庭中待看千尺龍鱗起  
來聽經樓五夜風

贈綠六開士

廿年擁衲事南能百个琅玕一盞燈意氣消磨孤介在  
更教人喚作吟僧

江南雜感

千年遠計笑秦皇枉煞東游鑿破岡一自仲謀開創後  
幾教行客嘆興亡

掃岸波濤氣不平河山何處最傷情鱸魚鮮美蓴羹滑  
且向江東作步兵

席捲中原氣太麓小朝終見作降俘不為宰相真閒事  
留得丹青夜宴圖

王氣紛紜三百年也由人事也由天石頭形勢分明在  
不遇英雄自枉然

龐孕奇旅中贈劍

旅舍相逢酒正濃尊前笑拔碧芙蓉鮫胎皮感珠紋澁  
虬影寒生霧氣沖世事看來真不易侯門彈得已難容

河大淺亭

壯心徒在身衰老一夜無眠到曉鐘

冬夜贈美人素雲

菊後梅前別有花  
湘簾重影蠟烟斜  
寬催玉筋杯光動  
細聽冰絃漏點賒  
神女不愁雲是夢  
洛妃偏惜日昇霞  
香輪迴轉城邊路  
高樹啼鴉認謝家

寄許廣平

訟庭衙散草生時  
宴寢香清白日遲  
李態張娟新教舞  
周韶龍倩盡能詩  
玳簪客去還懸榻  
鸞鏡人歸待畫眉  
聞道潢池無佩犢  
風流政事兩兼之

火籠

坐對長明一盞紅  
四更禡榻落花風  
自憐喚老無燕玉  
空倚盧姬舊火籠

讀史寄陳確菴

典午當塗總是塵  
一番遷革一番新  
阮公至憤陶公醉

當日名人盡愛身

送王帆仙北遊

陵谷紛紜世事遷  
垂簾已見隱高賢  
胸中日月輕千載  
懷裏蛟龍有幾篇  
季主也知羞富貴  
景純還解詠神仙  
他時應向成都市  
埋取先生擲卦錢

次韻贈陸初先五十

寡聞愧獨學塵中乏相識  
四壁慚屢空  
陋巷常墨墨  
志尚與時乖  
謀身患無術  
况逢滄桑變  
世事一朝畢  
半生徒營營  
千願不獲一  
閉門課諸兒  
幾個知六七  
晝出苦疲困  
夜卧多反側  
通行四方路  
所如有塞  
賣文不值錢  
傭書徒費筆  
祇知貧可憂  
未覺老能逃  
難辭鮑魚肆  
誰是芝蘭室  
時就少年遊  
萬態紛如織  
不識吳蠶貴  
翻誇蛛網密  
羲琴對琵琶  
緜笙和筆箴  
至音入俗耳  
撫膺惟嘆息  
雪卧且自強  
饑驅迷所出  
何當學冥鴻  
高飛任

南北何當爲霧豹不畏中林卽古心賴我友相看去藻  
飾攜手問何之舉足無樂園但願年歲豐田間寡螟騰  
過從莫厭頻半菽堪具食時時讀我書誦習矜所得味  
薄聊共歡從人笑雞肋固窮君子節庶爲後生式桃花  
記秦年蕙英數堯日陵谷與市朝惟貴脫啣勒泛泛不  
繫舟寧能計得失心安日自長彭公故無匹把酒祝君  
年如此常無極

聞歌時病耳聾

幾爲多情喚奈何留髡日暮未巍峩燈前自惜頻頻笑  
負煞千金一曲歌

贈張以韜來鶴詩

中庭顧步自徘徊欲舞猶遲素翼開羽客放時辭海島  
主人收得是仙才數聲天外雲光墮一片風前雪影來  
試問胎禽年幾許祇應千歲到今回

餘生

不養丹砂不坐禪餘生活計滯林泉揮戈漫道能回印  
煉石由來解補天得喪轉頭同破甑興亡在眼賴殘編  
霜生兩鬢身猶健草綠花開又一年

錦峰春遊四首

白雲多處水潺湲亂石縱橫翡翠端最憶當時黃子久  
愛將縑素寫虞山  
春山新樣愛低垂曉鏡何人與畫眉夢裏昨宵逢舊識  
可憐粧束似平時  
粉壁新時有碧苔十年今日却重來掃眉才子曾題處  
認得銀鈎淚滿腮  
着屐山行喜日長落花風裏晚生涼叩門正值高人出  
閒看藤梢盡過牆

題畫二首

地令長下

回雪分明洛水神，簷前一笑自相親。  
紅樓多少斷腸女，無事煩君報早春。

梅

雞犬紛紜秦客家，春來兩岸盡如霞。  
須知阿母千年實，只是桃源歲歲花。

桃

學唐人雜詞四首

烏啼夢醒起來遲，枕上偎人又片時。  
風裏楊花難自主，勸君無事莫相思。

絲竹銷聲夜宴餘，有花香處是仙居。  
湘簾厚薄渾如紙，萬水千山却不如。

兩行紅蠟淚花春，燕子巢邊落細塵。  
座有綺羅罇有酒，如君世上是何人。

羅裙露濕送伊迴，碧瑣楞中曉月來。  
如畫仙山不能住，始知劉阮是粗才。

鈍吟集下

落花詩自序

予爲落花詩未竟，妻兄顧云美書來云：妹亡遂輟翰而止。知落花之言爲不祥也。嗣後葉祖德來索此作始足成三十章。付之後見祖仁，有和篇詩甚奇。祖仁少年美才，思乃兄不及也。余詩爲祖德所攘，今二葉已矣。因錄拙惡，遂并記之。祖仁所作穠麗，有少年意錢。牧翁太保比之宋莒公，余老矣，豈更與少年競文字哉？存此以志哀耳。祖仁之作亦載於後，他時有暇當爲點定傳之。



國家圖書館, NATIONAL CENTRAL LIBRARY, TAIWAN, R.O.C.

金石錄

鈍吟別集

上黨馮班定遠

落花詩三十首次和石田翁韻

暖風遲日漸過春九十繁華一夜貧舉目河山思衛玠  
傷心溝壑歎安仁無端滿路應同客有恨凌波杆似神  
開却何因落何意芳菲常是賺遊人

無聊長日更悠悠簾外東風怯舉頭一陣過牆還似雨  
數枝臨水盡隨流草生轍跡閉金鞅香在苔痕認玉鈎  
蘭室杏梁人寂寂莫愁此際也應愁

香逕淒涼試更遊滿溪朱白總堪愁綠蕪漠漠空遮路  
紅袖盈盈漫倚樓迴雪有情飛自舞綠雲無主去難留  
千枝萬片埋荒草寂寞真娘在虎丘真娘墓多花草見  
李公垂追昔遊詩  
可憐吳苑繡成堆麋鹿高臺久已頽遠別不過三百日  
相看休惜十千杯繁霜湛露俱堪恨乳燕雛鶯莫殺催

工穩回窓各樹可與子但石  
回作如千者萬空歌月  
萬心此以五也奉石店  
驚一過但五餘味相形  
之下味有真海龍玉  
寄之類不如不伴之  
意也此六日在和人  
得之一成

至竟飄零各先後。梅花開到菊花開。

連朝風雨阻春遊。重到園林特地愁。謝豹聲中三月暮。

韓憑影裏一年休。紅飛亂靨猶含笑。綠長纖蛾豈解憂。

最是傷心盤馬地。半竿殘日照青樓。

看看光景又沉西。歸路王孫芳草迷。弱柳不勝和露泣。

晚鶯猶自傍人啼。愁凝亂粉飄歌席。戲拾香鈿贈小嫵。

若是一枝還未盡。莫辭殘醉更相携。

驚心照眼不須史。日暖風和一事無。凋謝便同吟罷雪。

飄零空惜臉邊朱。為雲帝女成殘夢。織素佳人別故夫。

莫訝嶧桐曾半死。只今生意已全枯。

曉鶯啼過牡丹時。驚殺華堂輕薄兒。紅燭焰高還自樂。

青山日落有何私。只嫌羯鼓頻催促。再整牙盤強設施。

畢竟東君何處去。可憐清鏡泣新絲。

才得花前一解眉。匆匆又到送春時。惜來不掃猶堪賞。

總使狂飄也入詩。燕帶香泥嚼墮粉。蝶和殘片冒晴絲。

慙慙自展屏間畫。愁看徐熙大折枝。

園林初見綠盤新。縱有杯觴莫再陳。夢裏可堪還帶雨。

牆頭無處更窺人。玄都舊事空千樹。杜牧流年只半春。

不解和枝折來看。等閒吹盡漫勞嗔。

不揀園中與路中。一般消息怕晨風。啼殘杜宇千枝血。

剩得徐妃半面紅。木梗生涯都逐水。斷蓬踪跡任漫空。

魯陽若道能回日。何不教伊且向東。

清溪幾曲記來真。重到桃源合損神。兩岸好風偏醒酒。

一輪紅日自燒春。莫言琪樹無殘朶。便是楊花也污塵。

黃鳥亂飛青鳥去。擬將芳信寄何人。

深閉朱門落照橫。枝頭銷減草頭輕。應憐月姊同生死。

曾訪封姨識姓名。艷質不堪隨逝水。神仙何處返層城。

誰人醉卧忘歸去。埋沒堤邊一尺盈。

開時多雨落時晴。杜甫詩。魔太瘦。生羅袖。愛將雲片惹。芒鞋常踏錦堆行。杯觴瀲灩。還浮蟻。絃管蕭條。獨轉鶯。不笑不愁人自老。下弦三月一鈎明。

處處金魚鎖洞門。可憐狼藉。滿名園。後庭玉樹。畱遺井。青塚琵琶。憶故林。巧画祇能圖艷笑。靈膏豈解返香魂。癡情若此。何由懺。擬向花間立勝旛。

人情大抵恨匆匆。紫蒂青梢。入眼空。千樹穠華。千樹雨。一番晴暖。一番風。惜教國色。雙腮淡。怕剔銀燈。小朶紅。艷性也知應負我。何妨纖嫩。墜懷中。

行處深痕。又淺痕。晚開粗得一枝存。生生鶯語。辭芳援。縷縷茶烟。出小軒。只道東君。偏有妒。可知少女。最無恩。玉堂堦下。橫塘畔。勾引愁人。斷殺魂。

寒食才飛。已滿城。美人猶惜賣花聲。衰當定。數元非命。開是無心。豈有情。陌上紅塵。同滾滾。樓中冷袖。點盈盈。

金閨綠草。爭堪鬪。一片拈來。便合贏。

桃李雖繁。不足誇人間。那得似仙家。空憐傳粉。添顏色。爭解燒金。駐歲華。柳挽長條。還斷續。梅畱疎影。自橫斜。

謝公休愛池塘草。官地紛紛。聒亂蛙。

金谷西園。幾度陪馬蹄。騎踏亂紅迴。坐時已怕。文茵滿。眠後那堪。玉漏催。好向御溝流恨去。莫教仙洞。引人來。

劇憐一種。關情處。弄影和香。到酒盃。

連天瑞靄。起樓臺。雖到春空。亦壯哉。席戀殘陽。人未散。觥嚴玉筋。酒頻推。不嫌樹底濃還淡。可愛風中去。復來。

滿砌臙脂。君莫掃。明朝重到。是蒼苔。

一片飛時。已不全。爭堪連日。更紛然。殘紅點點。蜂猶拾。嫩綠纖纖。鳥自眠。佳句未成。詩有債。愁人易老。病為緣。

一年從此。休教醒。但合將身。入酒船。

十日笙歌。一歲春酒。狂常自得。人嗔。不知尤物。誰為主。



唯有多情最損人行處。娟娟粘屐。醒時兀兀。負頭巾。掃來堆積。猶堪坐。莫把青苔。便作苔。只得開年一霎榮。紛紛衰盛。與誰爭量。金買斷人何在。剪綠成時。國自傾。冷看摧殘。驚歲。月細思貧賤。愧平生。攀枝慟哭。無人會。不道癡情。最有情。潘鬢初斑。懶自攀。枝頭嫩綠。逐朝添。鶯啼錦戶。愁開鏡。燕踏銀鈎。怕卷簾。隔院亂聲。疎雨過。臨池殘影。綠波恬。繡牀描出。渾無緒。幾度虛將小筆拈。梧桐枝上月如規。小院無人。獨立時。每憶蜂來香款款。堪憐鵲遶影。遲遲當歌。幾度和塵墮。學舞常教拂地垂。曾與佳人。分別袂。此番惆悵。却因誰。亭亭濃日下。雕闌漸換。生衣愛白團。爭上蜂巢空。攘攘半粘蜘蛛網。自漫漫。膽瓶欲棄。應偏惜。酒盞難留。待所歡。喚醒青樓十年夢。蕪城寒落。弔劉安。

春歸不審到誰邊。猶自依依。畫檻前。今日落來偏我惜。他時開處。幾人憐。願爲蝴蝶通宵夢。未許蜉蝣識。大年自古鍾情。忘不得。瞿曇應道。有前緣。

莫道穠纖未盡空。須知不與昨宵同。金鈴枝上猶驚鳥。翠幙堂前尚怯風。未識寒松千歲老。何如木槿一朝紅。煙愁露泣。年年事。無限悲歡。落箇中。秋菊春松各一時。不須惆悵怨殘枝。仙桃有實應難種。穠李無言莫費詞。判斷繁華誰是主。分張紅白豈容私。晚來斜日。宵來雨。試問深閨。幾個知。

山居雜興四十首代包山友人作

萬頃頗黎浸碧雲。千年靈洞隱真文。胥塘一舍歸來路。回首蘇臺歎鹿羣。一川晴色稱閑居。高樹微涼四月餘。點吻牙籤乘早日。春來嵐重濕藏書。

鋪叙而已未見作法

蘇作頭巾土染衣溪藤交蔓滿柴扉清虛莫道神仙瘦  
不及山人戰勝肥

水曲雲重十里深野花沿澗影沉沉松風石路行人少  
惟有饑鳥叫暮林

爲看山根得得來浪痕過處長莓苔重巒小洞一卷石  
持與詩人作硯材

西山之麓  
石中硯材

洗石開泉手自營一村風物有誰爭石亭果熟把書坐  
好鳥飛來不識名

耽癖深知與俗疎藥畦春雨帶經鋤夜長霜冷無膏火  
猶點松明寫道書

兩道飛泉此合流苔磯趺坐自忘愁澗深魚樂閒垂釣  
隨俗何妨用曲鉤

松筠一徑入重巒幽谷寒于乘谷寒野客不能求鹿醢  
祇將泉水漬芳蘭

山人皆  
燕蘭

嫩綠童童晚照紅女桑千樹正春空桃花塢自嘉名在  
不見繁枝入眼中

桃花塢絕  
無桃樹

地僻翻憐過客稀不教塵土惹山衣黃頭早把長鑿出  
劇得春藤背日歸

清齋重改錄中名傳得神仙一卷經符字湮訛難下手  
出山來問介先生

一曲清溪迥絕塵幽崖草樹不勝春我來拾得圍碁子  
應有長年對弈人

仙洞堪居不敢留自題蒼蘚記曾遊未知水底通何處  
祇覺波濤在上頭

林屋洞入深處  
濤聲在上

鳥拂松花落翅塵白膏新滑採溪蓴午窻餐罷開吟卷  
長日蕭蕭正暮春

吳中蓴菜絕少  
山中多有之

亂山截截樹蒼蒼鶴引風聲清唳長一縷炊烟林外見  
土鍋蒸飯半松香

浪漱雲根乳洞深重重蒼翠抱湖心龍頭山下玲瓏石  
一朶芙蓉抵百金

碧甃空存古寺基亂墻侵處草如絲興來擬琢湖中石  
重刻前賢捨宅碑

旋割春菘旋煮菜白雲多處自怡情忽逢獵客門前過  
贖得鹿麕教放生

午睡醒來暑氣濃疾風忽地鼓長松白煙如湧電如火  
應是雷師欲取龍

嶺下蝸廬絕四鄰小簷如笠斬茅新仙人符石高僧樹  
風雨時聞禮鬼神

卜宅偏憐水石清古人居處有村名門前苔破鹿羣過  
遶澗啣啣喚子聲

蘿薜惟教山鬼鄰中林鹿豕久相親有時買藥過城市  
認得韓康作主人

因為無機百事慵草衣木食謝山農自知孤僻難諧俗  
兼恐高僧不見容

紅輪如血午時天銷夏灣頭沸亂蟬平石高松人晝睡  
一羣花翠拂清漣

月冠黃幘稱山身投簡靈宮叩帝宸剩傳香燈招道侶  
明朝記得是庚申

羣籟參差盡至音天然成曲亦何心松聲水響分明處  
何事孫登愛鼓琴

深買烟嵐厭近郊高人何事又相嘲應嫌池館非山意  
別向高頭更結茅

詩友經年作遠離塵中何事得歸遲追吟舊句中宵坐  
木葉滿山秋雨時

着屐支筇竟日遊登山先為下山愁石崖斗絕無人處  
猶有高峰在上頭

愛接飛泉注石缸三更病酒聽淙淙斜風細雨短檠暗  
點點秋螢拂小窻

山路秋光晚景黃水聲迴合碧溪涼莫嫌大屋如官舍  
自賞灣頭橘柚香

磴石初平見寺門高峯影裏叩松軒老僧瞑目觀心坐  
擬問禪機不得言

秋氣清寒病骨知亂蛩聲裏欲眠遲月明半夜誰敲戶  
應是山人得好詩

靈跡曾教水怪降高峯絕頂見三江巖前古寺蘿衣裏  
細辨銀鈎拂石幢

前林吹落海潮聲來看尼師禮佛名小殿風旛花影裏  
三衣齊染木蘭輕

設客蕭蕭只野蔬尼師多居山寺視他處爲盛遠慚車馬慰山居鼓聲湖上人烟集  
分得沙頭一丈魚湖頭賣魚皆擊鼓

毳衲衝寒何處僧上方相引路層層石橋共坐烹新茗  
敲斷巖前瀑布冰

落日平湖百里紅亂梅如練晚霞中直饒積雪當明月  
猶恨詩人語未工

山心不解握牙籌伏臘尋常也不憂繞舍橋奴三十樹  
教人喚作小龍洲

鈍吟別集

鈍吟餘集序

定遠詩潛在及余既訂而行世矣頃陳子鄴仙搜採遺  
亡哀錄近作續得一卷題曰炳燭集定遠自爲之序以  
謂今所有殊不稱精華已竭異夫嗟然東方者矣嗟夫  
人生遲暮動有餘悲文句神明衰端先覺定遠平生以  
詩文自雄每有講論抵掌奮臂齒擊目張雖遇古人不  
少下何其壯也及撫是編輒興三鼓既竭之嘆定遠之  
衰可知矣辛亥孟冬老病卧床命令子補之輩錄成副  
本余與竇伯過榻前出以示余鄭重誣謗屬加訂定而  
竇伯補之復貽余甘章因僭爲評隲存之如右目爲鈍  
吟餘集且報定遠曰攬其朝華振其夕秀詩之精華如  
故用以當魯陽之戈一揮而返三舍有餘勇也定遠顧  
而頷之越二旬定遠正定端坐而化斯文儼然伊人不  
作此固吾黨廢斤輟絃時也撫卷爲之泫然陸貽典識

純吟餘集

金四會集

上黨馮班定遠  
十二月樂辭 幼長吉

正月

烟籠疊錦鴛鴦嬾，半夜春迴知夜短。  
軟風吹露洗枯條，東南半樹烟初暖。  
蘭室金堂有新故，開歲偏愁歲華度。  
誰將錦帖寫銀鈿，繡楣兩兩題花句。

二月

桃蹊李蹊風綽綽，額粧粉膩梅花落。  
衛郎羸病怯春寒，珍珠如露琉璃薄。  
垂楊遠綠烟如掃，銀鞍細犢城南道。  
飛香拂路晚歸時，明珮金丸滿芳草。

三月

羲和浴日時，天紅落花露深淺。  
滿香谿復着春烟，護美人握鏡紗窓裏。  
峩峩洛髻濃雲起，陌頭携果待潘郎。  
碌

噪金車咽流水

四月

芳實墮金丸，喬柯壓頽綠。  
鳳花耿介南陌頭，銅牙柘彈閒相逐。  
細雨空濛，裊濕絳錦塘波暖，鴛鴦浴翠。  
疊遠山雲簇簇，龍鱗冷滑鋪寒玉。

五月

湘竹波勻血暈光，生綃紅影籠虛涼。  
頽鬟壓枕玉無力，槿花露笑聞鵬黃。  
纈眼玲瓏透濃日，鏡檻無塵花密密。  
水精壺薄拓漿寒，織手金盤沃丹實。

六月

輕縠靜無波，玉宇少涼意。  
當空午暈紅徘徊，吐火燒塵撲天地。  
阿侯衫薄腰如束，塘上芙蓉花簇簇。  
紅粧待晚未歸來，艇子雙橈繫江木。

七月

純吟餘集

河影西迴玉鈎淺。露泣鮫珠星閃閃。金井沉沉素綆長。玉几水咽銀屏掩。漢帝離宮樓百尺。鵲駕迢迢雲奕奕。蛛網懸空得巧時。綠窻風蕩蜻蜒翼。

八月

雲凝薄絮天如水。佳魄團團夜千里。蘭葉參差閃露光。芙蓉粉淚愁香死。軋軋鳴機蟲嘖嘖。小窻燈暗拋蠅鼻。楚客孤眠怨夜長。流光遶簾疎螢濕。

九月

淒淒水國寒來早。千里青青一朝老。山陰古道馬蹄輕。乃截山光天杳杳。高樓粧罷金鴉沒。禽花無艷空雲髮。倚闌不寐戀殘秋。霜波着瓦琉璃滑。

十月

朝眠戀錦衾。夜飲愁花漏。日影瑣窻高。玉病蘭芽瘦。香熱凝甃紅。鳳尾金花透。落葉淨悟宮。西施雙綠皺。

十一月

雕薪爨五鼎。豹胎椒桂香。錦障圍花玉。蠟椽薰華堂。綠熊紫雉交輝光。博山雲起夜未央。門前白馬嚼嚴霜。

十二月

九河澗浪堆頑玉。馬影車聲交獨鹿。愁雲漠漠日無光。旅被蒙茸貂不足。臨邛美人山黛結。梁園賦客朱絃絕。素翎丹頂是何人。泠泠對語堯年雪。

閏月

若花濃暖羲和醉。九道透連放鳥睡。璇璣迅轉蟻行遲。却向靈臺留閨位。明堂軋軋金門開。二十八宿環昭回。堂堂珂馬火城來。

過友人釣磯小飲

收潦釣磯魚可數。衰容自照媿兒童。雲邊驟合巫娥雨。蘋末微生列子風。橙醬新香金顆嫩。蟹筐肥重石榴紅。

與君把盞頻開口良友相於道未窮

飲友人小齋

主人欣設客久話有茶瓜病骨乘陽暖紅顏得酒加  
頭竹翠合籬眼日光斜欲去留詩別秋期菊有花

贈木上人

此道人難解隨緣亦施緣須知天地外只在草鞋邊  
處五音足空中妙色空莫嫌呼作偈拾得是詩仙

傷故人

此日悲君亦自傷殘年中外盡凋亡偏吟拙句藏香笥  
許聽新聲入後堂愛子每令教翰墨侍兒常遣給茶湯  
平生畫跡誰收拾狼籍琴書尚滿床

題滄漁圖

海月澄澄片席孤幾時起網得珊瑚直釣自是烟波玉  
地近松江且釣鱖

陳滄漁意前小山

閑庭無半畝覆簣一峰安疊玉雲根巧埋盆水氣寒嫩  
苔新翠合小檜瘦蛟盤爲問卧遊者何如畫裏看

已酉元旦示鄴仙

拂拭蒙茸歎舊塵東方曉色媿紅輪祇知曆日常如故  
不覺勾芒已換新贏得衰毛偏照雪輸他草色却知春  
少年努力休辭醉婪尾煩君更一巡

贈李膚公二首

倚伏都知不可憑百年朝局十年兵遺民相對吾差長  
少小曾經見太平

閒向江頭着釣簑老來自覺一身多因君話得前朝事  
紀載紛紜半已訛

西園晚眺

身如遼雀此重來始信昆明是劫灰零露不堪滋蔓草



悲風常覺滿高臺。庭槐爾自無生意。社櫟余知最不材。  
猶有舊題詩句在。何人紅袖拂塵埃。

題美人折桂圖二首

中秋彩霧擁金波。誰撼芳枝墮子多。七寶輪中雙足影。  
世人遙指是嫦娥。

舞罷霓裳不動塵。桂枝香裏迥無鄰。不辭纖手慙慙折。  
持向人間贈郤詵。

李忠毅公故居

賢人五畝宅。江上蒲葦蒲來去。堂前燕鷗飛屋上。烏蕙  
蘭常馥郁。松菊未荒蕪。昔日聽鶻處。應須入縣圖。

夏日

一畝儒宮小。寥寥夏日長。洗衎過驟雨。晒屋吐斜陽。飲  
水嫌溪濁。炊茅帶土香。移床就陰坐。最喜北窓涼。

瞿園

過盡垂楊一水橫。依然如畫曉雲輕。石欄當日花開處。  
容得菰菁稱意生。

夏日過中峰和肯堂韻

禪房花木好。石逕蘚生紋。心靜標秋月。才高詠碧雲林。  
光添霧氣山影倒。斜曛莫話禪家事。無言我亦聞。

贈黃叟

市隱悠悠斷世緣。栽蒲殺竹爲遺編。伏生九十方傳業。  
試問尚書有幾篇。

村居卽事

積雨經旬地有泥。柴門過從絕輪蹄。滿庭花影春猶在。  
一榻茶煙日未西。蝸舍也容新燕長。紙窓閑聽午鷄啼。  
濁醪可飲無錢買。遙看青旗在隔溪。

許廣平公署夜飲卽事時余將歸

樺燭交紅影。平干夜半春。後堂容醉客。小妓是門人。

金剛集  
小妓童雙成唐靈華從崑調歌聲脆刁家酒味醇明朝  
余學書每自稱門人  
車馬路淚濕化衣塵

臘梅

栗玉先春發梅花亦未知簾釘裝玳瑁窻鎖映琉璃郁  
烈迎風動輕明淡日宜額黃誰賂得仙客正爭棋

和葉石君過馬湘蘭墓下四首

白苧清詞遍教坊梁生才調冠詞場最憐巧句藏名姓  
千里霜蹄九畹芳  
風景山河自不堪板橋惟見草鬢鬢琵琶改盡當時調  
好手猶傳馬老三  
麋鹿蘇臺一片塵香魂猶是太平人不知寒食青青草  
何似昭君塚上春  
深深艷骨此埋香莫惜春醪奠一觴迴首虎丘花草處  
一靈應得伴貞娘

戲題贈主人小妓

纔入新年十二齡眉如蘭葉眼如星不須紅粉添顏色  
可愛清歌有性靈鸞扇徐開花熠燿鳳簫輕轉玉泠泠  
曲終歸去聲猶在不覺衣香隔錦屏

題平于寓居

莫向滄浪擬濯纓五更常自愧雞鳴天懸日月終難定  
地有山川亦不平老去依劉非遠計當年慕藺已無成  
窮途只是門前路沉醉傷心阮步兵

贈馬小山

吁嗟世間人雨雲如反掌寸心苟相得何必論少長衰  
殘白雲翁世事無餘想未契託君子于今更無兩

贈單曾傳

七絃古淡無人賞舊譜雖存浪有名今日因君聞雅操  
他人一半是箏聲

蛺蝶

何年變化別青陵，栩栩隨風力不勝。莫向花間容易宿，等閑一夢負韓憑。

詠錢

十萬腰纏亦壯哉，一文羞澁實堪哀。聚如好客留還去，散似亡奴喚不回。身事千般無便拙，市中百物有方來。人前未敢輕開口，暗使金門爾是媒。

感舊

方丈朱盤值萬錢，花飛金谷夜開筵。堂高不惜風吹燭，簾捲還嫌月有煙。錦袖無端成蔓草，玳簪一散半重泉。不堪舊日藏鴉樹，猶有金絲習馬鞭。

贈南屏和尚

幾度攢眉聽晚鐘，百年兀兀媿陶公。詩書塞坐無餘暇，藜藿隨時且固窮。學道已知身是患，忘情閑看物俱空。

生天成佛無先後，常禮西方落日紅。

和洪覺範竹尊者詩

平生剛笑嶧桐枯，蜀栢秦松讓爾癯。一夜便能抽百尺，可須培養費工夫。青青若合稱尊宿，落落真堪伴我徒。遍地兒孫頭角出，不知玉版許參無。

過拂水山莊

三徑荒涼草色迷，一聲鄰笛日平西。人間多少傷心處，縱是莊周也不齊。

題時介于山岩

大似柴桑處士家，前山隱隱短籬遮。十年已見松成樹，九日還憐菊有花。土甑晨炊燒落葉，荆扉晚色映餘霞。筍輿尋遍南朝寺，興盡歸來一徑斜。

戲和吳中竹枝詞五首

壚頭紅袖正留賓，千里青楓入眼春。賣盡鷄豚與新酒，

江邊賈客賽江神

塘水無波仙鏡清好風好日放船行百花洲上尋春去  
不見花枝但有名

小婦小郎南陌頭無端相遇眼相鉤轉身不覺傷人見  
粉面生紅一晌羞

吳王在時姑蘇臺吳國亡來花自開蜂蝶紛紛採香路  
紅粧村婦插花回

七甲山塘水似油入夏風涼稱夜遊貞娘墓下無蚊蚋  
月中簫鼓簇船頭

贈友

微霜點鬢已潘年竹屋明意卧起便銅鉢催詩溫助教  
銀鈎學字柳誠懸吳羹餉客饑堪療魯酒澆愁醉任眠  
翻覆雨雲時態薄愛君相見只如先

代贈寶嚴藥和尚

水味何如佛在時山靈先識住山期一花成果重開葉  
大樹垂陰更有枝坐具神通何處見草鞋踪跡是誰知  
小乘崩角魔宮壞始識人間獅子兒

久寓淇上題此

往事圖經在閑尋得舊碑輪蹄行客路竹石昔賢祠水  
濶風生勢山靈雨應時最思鸞嘯客嵇阮未相知

有贈

風香二月詠花處蠟燭三更帶酒時一笑重逢俱老大  
當年惟有兩心知

途次懷古

草露悠悠千里去車前往事漫思量生靈無主隨興廢  
曆數難推自短長但見干戈爭海宇何曾城郭似金湯  
堪憐一片耕桑地憤與英雄作戰場

贈沈秋士

言有盡意去窮使人  
胸次作憑

兒童爭笑腹便薄命常如上水船豈有文詞堪逐鬼  
漫因窮拙強箋天於陵絕食過三日顏巷容身止一屨  
拆賣敝衣難換米賴君時得典書錢

戲題虞美人花

帳下當年舞纖腰尚逐風千秋恨魄在何事過江東

友人村居四首和馬小山韻

任處鄰漁舍幽情自不同留人惟桂樹極目有江楓無  
事耽棋癖高眠爲酒中猶聞晒犢鼻生計未全窮  
日夕山氣好時見鳥飛還朝權不終日靈椿自大年卓  
雖今得地強飯豈憂天五畝誅茅後逍遙任自然  
一村多好樹歸鳥自成羣試問門前水何如嶺上雲野  
情常自適人事厭相聞君看陶元亮長勤未是勤  
三徑頻頻掃知君一片心杯觴聊共樂杖屨每相尋籬  
下菊猶在窻前草轉深朝來嵐氣散秋景愛遙岑

寄贈翟叔猷

十年故舊盡凋殘萬里羈人行路難黃鵠縱饒天地闊  
高松偏受雪霜寒閉樽北海思文舉張伎東山嘆謝安  
近事欲言言不得寄書惟有勸加餐

感舊

擬託浮波又自休水窓鸞鏡見梳頭玉郎偏得瑤華贈  
兩漿風輕只載愁

陸孺初喪子與之飲詩以解之

莫爲北溟鵬莫作遼東鶴負天豈不高槍榆亦未惡丁  
令歸來時傷心見城郭人生稟天命百年其大略脩短  
亦何常哀樂苦纏縛短褐幸自溫榮期老帶索晚食幸  
自飽原思只藜藿俯仰天地間但自不愧怍君家有童  
烏玉折良可愕芳蘭盛夏枯嘉果先秋落有情則有悲  
襟懷患非廓天殤異恒理衰老應爲樂村醪雜醇醑山

有列羹臠婆娑兩忘機。晤語展戲劇咄哉喪明人。毋乃  
用心錯。達人爲我師。駐年非大藥。狂言備一杯。洗尊且  
再酌。

寄吳不官次韻

好酒多違俗。吟詩怕累禪。一身幽谷底。求友慰衰年。鶴  
市花爲錦。龍洲橘勝田。照心湖外月。洗耳石間泉。良覲  
期三益。玄言論七篇。禹功凌浩蕩。仙洞在雲烟。處世休  
嗟若。論交共莞然。夫椒尋往跡。角里仰前賢。盛德聯鷗  
侶。清風警雀眠。相望惟百里。莫隔釣魚船。

兵後經郟齊門故人廢園有感

雀亂鴉啼燕不回。曲池平後劫成灰。雲離巫峽知無定。  
地失桃源莫再來。萋草江淹何限恨。青楓宋玉有餘哀。  
故人泉下如相念。白首全生賴不材。

贈穹窿施先生

至行不違俗。蕭蕭自合真。四鄰惟木石。一室絕埃塵。藥  
竈藏龍虎。丹符役鬼神。風吹片雲到。鶴背是何人。

高陽夫人輓詩

平生讀書處。惆悵瑣窓虛。一室儼猶在。魂兮何所如。雲  
光凝彩鳳。仙影隱蟾蜍。欲定新詩品。應同班婕妤。

擬崑體

柳絮中庭起夕陰。杏梁蘭室靜情愔。頻移玉柱調湘瑟。  
故絕冰絃試蔡琴。鴛枕膩霑烽火樹。鳳釵閒整碎寒金。  
防風巧樣宜荀令。一縷非雲透水沉。

叙舊次友人韻

三重阿閣鳳凰巢。葦用芳蘭籍用茅。椒壁紅泥香自起。  
畫楣花感錦相包。水紋光透珠簾冷。山字歌多玉枕欹。  
方朔自矜來往熟。碧桃花下有誰嘲。

謝無虛寄茶二首

半生兀兀虞山住，不識虞山有好茶。惟有老僧能念我，信來珍重寄春芽。

土竈磁瓶活火煎，小窓偏愛有茶烟。虎丘水惡惠山遠，為覓西山高道泉。虞山此泉甚佳

瞿曇谷六十

青箱藏舊業，玉枕秘靈篇。守道從違俗，齋心已是仙。年華新甲子，時運變桑田。家世公侯貴，何時更復先。

題畫

怪石無心真靜者，喬松多壽是仙人。庭前二友常相伴，不踏紛紛市井塵。

柬木陳和尚

衰殘已逼尚因循，學道為儒總是塵。蠶解成絲徒自縛，蛾知慕火不謀身。詩書有役非關已，山水雖閒未合真。為問吾師成佛後，多聞結集付何人。

贈金孝章

世運人情一遍新，惟君與我是遺民。年華好處多佳日，秋氣悲時莫愴神。陶令有詩惟悅酒，榮期已老不嫌貧。中吳誰作名賢傳，丘壑平生不負身。

偶遊同滄漁

村景蕭蕭六里行，小橋流水漲浮萍。風聲近晚春猶冷，烟色凝陰日已暝。欲過茅茨驚犬吠，偶逢蓑笠覺魚腥。相期莫道重陽遠，嫩菊初分已放青。



國家圖書館, NATIONAL CENTRAL LIBRARY, TAIWAN, R.O.C.

金日會集



鈍吟老人集外詩

十二月樂辭 効長吉

正月

勾芒驅暖土膏醉衝雪排水作新歲烟濕枯香冉冉苔  
嚶嚶反舌驚花睡楚山雲疊畫屏風曉粧呵鏡胭脂紅  
草芽露淺金車重赭黃色淡秦樓東

三月

城南淺草金丸落羽距斑衣鳴角角融融日影亂塵生  
錦障花鮮羅扇薄東家笑罷春愁亂柳花拂面登墻看  
斑駁踏踏陸郎來火浣單衫承赭汗

四月

鯉魚風來涼灑灑臺榭參差樹高下綠帶織鈎猩色花  
錦文狼藉吹鴛瓦黛減蘭銷曲房曲鳳紗紕軟腰如束  
南塘田葉未勝巢塘邊嫩粉抽青玉

五月

越葛弱於羅白紵輕如雪佳人蘭浴罷嬌絃踏繁節美  
陰對高堂磊落桃初結園葵垂葉庇芳根當花一點濃  
於血

六月

曉霞暮霞光若火繁星不動雲朵朵簾花紅汗隱豐肌  
輕縠無波便門鎖重壁連天花百尺玉梁歌動高雲直  
酒濃玉醉日未傾素纒金瓶弄寒色

閏月

破玉斜紅爭草草徐娘粉薄愁花老誰將小月補今年  
剩暑餘寒波浩浩道傍青草怨香輪窮冬欲盡春來早  
先鈍吟向有十三章雜於包山葉祖仁藁內觀庵已  
編入鈍吟餘集更有後十三章竄入獻雪菴集中未  
錄出也茲迺壯年之作而未全者真吉光片羽也已

自題

嘗傍僧家作四隣兩重龕屋著窮身賒來濁酒因留客  
寫得新書怕借人漸老心情惟是懶忘機歲月不嫌貧  
有時檢點閒生計笑看牀頭鼠迹塵

錢夕公追咏昔遊願仲繼和余代其意重成一章

曾向金閨駐彩舟蒹葭花冷夢悠悠紫莖氣烈香盈把  
角枕雲頰綠滿頭玉骨夜寒眠未熟凝魂風曉醒難留  
東波宿草生平恨憑仗羸形且減愁

再次韻戲贈願仲

畫曉花幔鄂君舟水滿胥江去路悠殘粉雪輕題別恨  
錦花紅鬧笑纏頭玉曾毀匣誰能惜蘭爲當門更不留  
惟有惠連知此意夜深閒說使人愁

葉羽遐見過期爲洞庭之遊

天地大文不可舒誰能見之山隱居丹臺祕與既留子  
石洞幽深擬結廬必就孫登聞妙響懸知叔夜識靈書  
扁舟他日與君去明月灣頭共釣魚

送竈

鄰人分得膠牙餠酒滿瓶樽送爾行不似陰家須富貴  
下田無水便堪畊

畫眉

得似春山好春山爾許濃四方雖半額總未及城中

竹雞

愛啄山中半夏香嘉名何事帶修篁莫言蓄水飛鳴鶴  
解與糜家辟火祥

梅花

桃李妖穠無品格早梅清冷是仙才何由得入羅浮夢  
爲遣青禽寄信來

次韻奉和弘覺國師不繫舟四首

宵來短纜繫誰家明日開船天一涯豈羨山中生桂樹  
休言到處嗅蓮華閒看魚樂心無累時煮蓴羹味莫加  
到處欲行行便去草鞋休恨路途賒

千尺琉璃徹底明閒人到此得娛情世緣消盡浪空急  
塵念不興波自平風轉柁迴天一片月寒人醒夜三更  
昔賢滂道無踪跡船子於今有姓名

前波後浪不相同細看東流只向東載竇也堪稱估客  
直鈎常自謝漁翁祇知簑笠宜輕雨却笑桅竿怕惡風  
泛泛不嫌如木梗雲山無限入胸中

飽吃風波一葉舟蛟龍相遇也如鷗展開坐具還應澗  
濯得塵纓不用謀跡有東西常任意心無來去自隨流  
剪茅搏土都知懶只有孤蓬好蓋頭

故人來

春冷欺人欲起遲，經旬陋巷雨如絲。可憐屋漏無乾處，著屐相看愧故知。

瞿威吉八十

一番滄海一番新，又見明年曆日春。祇待丁威還化鶴，也知彭祖讓靈椿。休論戶外新來事，且鬪尊前健在身。相對怕談天寶舊，與君多是太平人。

偶占

抱得枯琴亦有絃，一尊濁酒古籬邊。不知醉漢胸中事，猶笑陶潛記歲年。

憶舊

只得花前一曲歌，半生踪跡恨蹉跎。麻姑狡獪王君老，滿眼桑田是海波。

客以覆鼈相餽，爲林宗所沒，索之，惟得一足。涂指嘗息鼈，無餘亦可哀。主人莫相戲，三足始成能。

黃薔薇

濃姿洗盡著微黃，狂夢交加半出牆。好似當時題宋玉，不施朱粉污容光。

公子行

燭龍啣火紅，亭亭一天繁星墜。廣庭沉香甲，剪烟如霧華筵橫。列開銀屏朱盤方，丈萬錢直中堂。夜燕樓君卿吹鸞簫，擊鼉鼓宋禱。清歌綠珠舞，銀花煜煜火樹紅。七尺珊瑚何足數，瓊琰鳳尾燒殘燭。半醉留賓歡未足，重門高敞隔珠簾。火浣單衣綠熊褥，朱樓立影月停午。塵起香街車轆轤，曲頭青帘捲輕風。粉面壚邊露蘋玉，紅羅畫帶結同心。夜闌更就胡姬宿。

題畫二首

巨壑茫茫見禹功，閒尋古迹獨臨風。山頭遙看湖中景，七十二峰朝日紅。

相望高峰千丈餘嵐青雲白昔人居誰知湖底翻無水  
常有蛟龍護禹書

絕句

炎風四月起黃埃滿架薔薇一夜開好是杏梁雙海燕  
幾迴飛去又飛來

送許蒼聞北行

臨歧把袂暫相同翹首京華在望中冀北應知良馬價  
江南且趁布帆風山蕨豹霧文章就水擊鵬雲羽翼通  
若憶衰殘倦遊客新詩莫忘寄郵筒

遊仙三首

洞府千年更不開玉京人去可曾迴窮陽有數難迴救  
一半桑田是劫灰  
太乙追求盜玉瓜轟轟猛馬發雷家玉條嚴重須迴避  
暗遣山神送與他

曾侍仙王八景輿翠旗丹節過方諸湘靈不逐飛鸞散  
烟水茫茫獨駕魚

霜葉

青楓變霜色搖落不勝哀洛浦朝霞起秦樓曉日開林  
孤一樹迴風急半邊摧塔下休頻掃偏宜點綠苔

雪中卽事

郊園凍色雲垂地霰雪紛飛壓路塵一石但留佳客醉  
十千休訴主人貧當軒更覺風聲苦入夜偏宜月影新  
乘興明朝若相訪莫忘僵卧有高人

題顧雲美塔影圖

假得名園近梵宮相輪金碧儼池中犀光欲照還無迹  
蜃氣雖奇未許同色像玲瓏迷幻有虛明淡動見真空  
詩人最愛臨流處碎碎波紋淡淡風

有感

處世無機足自傷每來閒處暗思量  
豢龍馴虎猶常事惟有人心不易防

喜友人見過

暗室生光不自知今朝真個見凝脂  
魏珠荆玉難親傍休把形骸擬近伊

老病

老病多無寐披衣恨帶寬雲輕時見月  
露重夜生寒屈指逝波急回頭行路難  
殘年能有幾常自百憂攢

題畫二首

鬪鴨關邊秋到時中庭露冷漏聲遲  
海棠熟睡葵花立長短纖穠各自宜  
步步生花金骨仙曾聞乞火到窓前  
纖纖石上輕絲引早地新開碧玉蓮

舊事

和塵帶酒逐行車晚日山頭樹影斜  
曾爲紅裝輕繭茜閒尋艷曲笑梅花  
驚嗟夜雨思秋月棄置朝雲爲晚霞  
新有詩情新下筆卷頭一首咏繁華

示意

一叢香粉簇人紅移住墻西宋玉東  
耍蝶狂蜂無路近常教開落伴春風

偶感

一抹烟嵐曲徑微澗花春浪濕羅衣  
芳條盡被傍人折偏自劉郎白首歸

壽袁重其母七十

上君堂奉君觴君家老母鬢如霜  
如君孝子古來少負米養親不言老  
斑衣膝下但兒嬉高堂問寢雞鳴早  
各人滿眼盡相知謝君遠來請我詞  
我今年老才力盡善頌惟記南山詩

夜燕曲

銅盤紅膩堆香淚夜醉沉沉五侯第百尺珠樓斗柄迴  
雞聲酒半東風至簾前露未晞此夜不須歸美人長袂  
正留客莫待明朝換舞衣桃李中園猶未發芳庭何處  
承羅襪白門一樹濕春烟鴉鴉端坐高枝滑

送畫客遊燕

五色烟霞在筆頭布帆羸騎任淹留人間山水江南好  
底事君偏愛北遊

中秋夜飲鄴仙南軒口占

少別嫦娥又一秋今宵還見月當頭勸君莫惜厭厭醉  
只是尋常秉燭遊

曉窻

曉窻初日書檐低七尺青絲拂地齊鏡裏細看雙鬢掠  
也應休更說玄妻

甲申聞報兼祭長洲許琰

赫赫吾聖祖盛業比殷商見皇陵碑御製典則貽子孫明明  
宜辟王太平三百年晃朗萬重光海宇日清晏四口盡  
披攘戈鋌一倒載壽域但農桑豈虞大厦故蠹蝕潛棟  
梁拉羅勢欲傾截業不可撐弧星矢偏斜不肯射天狼  
太白怒熒熒白晝垂精芒東南困征求西北血滂滂楚  
豫擾鋤梃黃巾恣動勦崇禎聖天子抱蜀坐明堂御  
服躬浣濯殿帷集書囊壞瑟屢更調用賢亦違違岳不  
降申甫傳說星空明覆水不逐器瀉地隨圓方麒麟局  
角定左右吠豺狼鳴梟毛崩崩飛噪鳳凰天地自不  
仁倚伏多難詳共工折不周崩墜相填傷長人灼巨鼇  
仙聖失其鄉東海蟻蝨儒足不識帝京叩心望北闕  
惟見天蒼蒼平生事縉素書史胸中藏豈止識仁義兼  
亦飽與亾一治又一亂可以恒度量堯舜稱巍巍桀紂

自披猖中葉有厄曾不待曆數喪或由好犬馬亦聞彫  
宮墻婉婉女謁盛喋喋讒夫昌有窮縱矢鏘滅德因太  
康汾王威宗周哲婦恨舌長虎吻憑外戚燎火光不揚  
南風吹沙一龍游渡江當殿聽得休要君上太行誣  
道恣淫後束身隨焦勞十七載此事果何當熒熒  
抱孤德庸臣隳紀綱百度一廢墜四維弛不張自古興  
廢間不間無賢良胡獨俾吾君宿夜獨偃偃書箋欲  
問天血肉不飛翔悲來顧四壁冤毒心胸崩叩門誰傳  
書啓讀口頰芳許琰吳宿儒四十未知名聞難不食死  
飛魂追吾皇吾聞輦轂下從逆公與卿碧血棄不收  
莽服誇輝煌偷生綬若若失脚走踉蹌遐遠一布衣忠  
志不可諒求仁而得仁茲道已久荒許生魂歸來慎毋  
下冥冥吾請從子遊飛神騎日傍九關排虎豹帝前剖  
肝腸一奏吾君聖明德未可忘二言寇淫毒赤子遭

殃殤三言亂兵暴平地生瘡瘡在蒲何時滅朔方何當  
城昔者大帝醉金冊賜秦興今者豈帝飲援斗酌酒漿  
賊星與故鄉天憂憂許生定何從吾魂已徬徨苟  
能偕子遊無所用巫陽屈原呵壁書泠泠酌沅湘酌水  
獻茲文願子來斯享

和許貞服贈葉祖仁次韻

項橐曾爲宣父師當今年少更誰奇英雄惟許劉玄德  
今日翻教畏獬兒

美人拜月

風動衫裙拜起遲堦前如倦又如疑星星自向團圓語  
除却姮娥不許知

蠓梅

叢叢依淡日拂拂帶微霜檀炷輕含紫凝膏透著黃蘭  
芳饒作佩菊淺稱爲裳借問深宮女何如額上粧



落花

雨送風飄又一春，幾家曾爲牡丹貧。年光從古元無主，大道由來本不仁。柳絮雪嬌隋苑樹，芙蓉紅待雒川神。王孫莫恨穠華去，屋裏如花自有春。

多事

當年多事入春叢，攪攪花枝旋旋風。末世人情容易老，只今二十欲成翁。

當時

當時雲雨夜中來，怯不當風滑避苔。今日細思如好夢，酌量麈尾勝陽臺。

猛虎行

猛虎穴長林，不向大道行。一朝骨雙翅，頭角起崢嶸。兎鹿牛羊嫌不食，市門白骨從。又橫玄豹養，文不肯問深。卧南山霧冥冥。

長至日文讌

寬列朱盤展酒場，嶺梅猶自滯寒香。芳醪到手盈樽綠，愛日臨窻一線光。世事休言更岸谷，斯文且莫感彭殤。頻于觴政非關拙，欲假殘杯入醉鄉。

題鄧肯堂小像

澹泊無人識，隱心閒占古事亦長吟。風雲一握隨舒卷，高卧休言便陸沉。

示梅濱曙谷兩僧

苦將山衲惹紅塵，懸箔高門處處親。猶賴琴梅與畫谷，有時披草訪閒人。

春曉曲

青漆高樓朝日早，羅敷夢醒銀屏小。珊瑚枕滑壓頰雲，樓前柳樹聞啼鳥。鴛鴦濕處霜華薄，猶怯殘寒掩羅幕。攬帚試起望東南，北風無力雲蕭索。年年含淚剪春衣。

莫遣春歸郎不歸馬蹄若到南城路似袍顏色遠萋萋

當壚

此日當壚不姓胡路傍誰是執金吾明珠可買無由得  
枉却絲繩繫玉壺

燒香曲

武皇七夕降靈人高焰如山蕪降真紫爐勃鱗羽衣下  
雙成獨跨黃麒麟歲星舊向東隣住爐中一笑情相親  
吾聞麟洲有藥稱却死仙人短髮儋雙耳未央殿下玉  
堦前四兩靈膠獻天子一九如棗玉爐中瑞氣紛紜克  
百里病滿長安一時起

贈栢巖上人

幾年持律住烟霞須髮生霜夏臘加密行祇教神鬼伏  
道心不著世緣遮三衣欲破殿廊冷一食過時塔影斜  
要得劣根離火宅吾師特地示羊車

次和遵王無題一百韻

劍合龍辭匣珠還月在淵才多量計斗笑重價盈千油  
壁烟爲幔蘭橈羽作船小屏山匝匝紋錦獸騰騫洞戶  
疑探海高臺欲隔天客卑堂下坐腰細掌中憐桃實瑤  
池樹靈芝雒水田書遙青鳥急波濶海禽填夕露歡來  
重朝瞰散後鮮鵲歸雲奕奕燕賀羽翻翻此日金堂下  
當年畫閣前昔題尋蘇壁遺迹沒花輓碧玉瓜初破潘  
安壁正聯琴心伴不解棋陣靜爭先咏雪思偏巧懷冰  
意未傳待來剛隱映擬出屢遷延繡袂臨風薄羅幃向  
曉褰目成波渺渺看語柳娟娟不省當關阻翻悲夾坐  
懸轉喉真絳樹插手戲重蓮綽態宜傾國深情抵濬川  
塵生憐去鞞苔損認歸駟暮雨常厭浥迴風自轉旋尋  
芳時鬱藹逐絮任狂顛小院開魚鑰名花破粉鈿追遊  
多勝侶行樂及時年渡口橫波急中庭半鏡全凝愁誰

繫滯私約更輕愆醇酒三年醉餘醒五斗獨鳳聲驚  
竹馬柱軋香絃蓆軟龍鬚密簾輕珉甲編瑯盤雙玉鱸  
美食萬金錢柳下應回駕桑門合罷禪窺窻香勝賈當  
戶玉過燕誤曲遭頻顧微詞漸滿篇連籌拋似算百罰  
飲如泉烏繞還依樹鱗來未忘筌獨眠方忽忽暗祝已  
虔虔下幕吹蘭燼移燈撤綺筵小聲聽屐齒纖影過鞦韆  
柳意嬌難縮荷心小尚拳魂銷花閣路步歛草分阡  
帶縮雙縈合環回兩玉圓手携纖若笋肩並削如鳶促  
坐圍紈綺幽房隔市塵圖形濡彩翰密信寄花牋啼恨  
朱冠早言慚綠鳥嫖飛鴻風綽約舞鶴雪蹠躑臙理粧  
華薄柔姿舉止妍臂褒拋玉馬釵朵墜金蟬犀點當心  
透鴛情入骨鏤薄歡寧遽恰消病未教痊疊錦宵眠重  
輕羅曉色穿氲氲薰籠畔點點繡床邊細汗時沾被饑  
情合珮弦沉憂孤脉脉善謔兩便便眠重寬衫裝醒時

墮髻偏交歡真有數分合豈無緣醉客欣交舄神仙戲  
拍肩有懷恒忽爾無事却嫣然擘石何辭碎燒金豈改  
堅蠟乾終作淚絲盡未成綿割袖空憐董飛丸漫逐媽  
桂高非易斫蘿弱豈堪纏匣扇方捐素求珠未得立生  
離常咽切死誓笑貞專病熱憑誰熨傷心祇獨煎迷魂  
隨舞蝶淚血憶啼鵲舊愛輕投李餘芬尚被荃承莊俄  
被謫小玉竟成烟虹壁偏遭點鸞刀滂汚羶年華真逝  
矣風雨但凄焉山沒鼈逢灼橋危柱枉鞭素心勞獨憂  
新句咏孤眠真手何當識神書不易甄病懷侵玉貌愁  
獻澁鸞咽瑣闥留檀點空房委敗壇路窮秦客棹舟謝  
越人牽絲素惟悲染膏明只取燃素縑良可辨啼笑更  
難權獻珮遊江浦乘車駐嶺巔新知携祭枕昔貌識紅  
鉛銀犢偏轅駕翔禽擁轂命雁孤三載恨鶴去一朝還  
來往朝雲起存亾夜壑遷藥偷歸月窟槎過犯星躔瘦

骨輕如故凝脂色詎薦間松常鬱鬱河草劇芊芊自愛  
冰壺瑩方知玉玦捐笑歌宵雜選塵土曉駢闐香重矜  
荀美形侵郢仲宣酒痕多不浣淚點定教前捧燭燒高  
焰杯觴泛細漣裹身蒙粉飾才語極朱研解轉心慚石  
多瑕每愧瑄暗遊羞再問戲伴錯相牽珠履充華屋金  
溝鬪錦鞵對人虛笑祭向壁幾潺湲賦格譏元亮風人  
憶惠連撫衷多惋抑非是爲懷仙

先鈍吟爲遵王所戲謂公定不耐此長篇因援筆而  
書頃刻立就文不加點勅先謂未經錘鍊第節取數  
韻梓於前集然公之思如泉湧麗藻奪目豈少年輩  
所能望其涯涘謹全錄焉

題鄴仙紅梅閣

東風香發日微暄小閣春生似晏園作得南朝徐庾賦  
休矜雪骨與冰魂

冬嶺秀孤松

嶺樹嚴風裹孤松色最偏露根寒抱石獨影晚生烟水  
溜龍身拆霜封翠鬣鮮桂枝慚偃寒蘿薜漫牽纏濃黛  
滋嵐氣悲吟和瀑泉春花雖未茂巖畔似神仙

柳絮

吐雲飛漠漠弄雪舞傴僂長日百花盡塘邊蓋綠莎沾  
泥應自分入水又如何誰見鷺毛下悲吟庾信歌

題青浮小照

長松蕭蕭石齒齒下有詩人乃是丁卯橋邊子箕踞科  
頭衣冠敝屣桂海注蟲魚湘江寫蘭芷斯人斯人能如  
此世上綺紈皆欲死

咏史

茂陵多病慣空居誰使辛勤更著書滌器竊妻兼賣賦  
何人解道慕相如

夜同武伯宿三峰禪寮

塵中春已過寺僻尚餘寒病覺四肢倦衰同百卉殘禪  
心慚我亂法味賴君餐憂裏晨鐘動浮生得暫安

垂柳

垂柳蕭蕭又幾春一回風起一回塵皆言舊屋勝新屋  
不覺居人換昔人

次韻和錢求赤卧病書懷

天傾西北地東虧倚伏紛紛不用悲怒虎不能慚好弟  
麒麟應合賞佳兒可憐身事隨年到自是清羸與病期  
白髮蕭蕭吾已老欲將末契托新知

寄鑒上人

有言言處卽無言一句超凡不易論指畫空中難覓迹  
杖敲波上豈留痕也知獅吼非常語權說羊車爲下根  
末法漸衰公不懼西來一線在兒孫

犀簪和戴仲

玲瓏八寸黃金色倒插斜纏一握絲何處仙郎最相憶  
睡濃拋向枕函時

夢願仲同飲

何處山頭夢裏逢太平仙酌一尊空慶安年少輕言語  
笑對同遊弄洛公

題畫

柳花飛盡綠陰肥雨到濃雲濕不飛村酒正香茅屋小  
漁翁閉却釣魚磯

贈董雙成

旦未雙全藝聰明自絕群清羸衛洗馬放誕卓文君玉  
憂歌喉轉花開酒色醺纖腰與長袖何處更爲雲

採蓮

薰風物色到池塘競榜輕舟逐晚涼一朶波中紅徹底

碧琉璃內見新粧

和友人無題

依約桃源怯問津  
深沉魚鑰鎖重門  
暗隨柳絮歸來路  
點點飛鴉日又昏

偶題

官道當流水高樓見遠山  
飛烟籠作紫斜日照來殷

冬杪有感

檢完曆尾見新春  
冰雪紛紛尚隔旬  
千里江南好烟水  
明年管領是何人

水仙二首

一種無塵染清芬  
似蕙蘭芳心金冉冉  
素質玉湯湯  
冰雪姑山客霓裳  
絳圍官移來文砌  
下月影滿闌干  
素艷霜中發  
仙姿比洛神  
幽蘭含不語  
羅襪步嫌塵色  
淡同開晚香清亦避  
春何如栽九畹  
芳草若堪隣

無題

縷縷窻紗織月華  
此中曾植最繁花  
已憐齒弱無人忌  
更得房深斷客譁  
細剪素羅縈拂舞  
亂敲長線學琵琶  
當時不解隨情絆  
到得如今近亦遐

早春偶題

膩粉妖香一番新  
庭前蹊畔見精神  
後先開落原由種  
紅白紛張盡屬春  
醉露東家驚豔笑  
倚風西子帶微顰  
王孫莫惜頻頻賞  
須怕吹來散作鱗

憶亾友張子和

與君相識未盈年  
蘭似芬芳金似堅  
蠟屐慣粘三徑草  
薰籠幾共一爐烟  
春風開處恒忘食  
夜雨寒來對不眠  
落魄只今非昔比  
何人相慰涕潸然

嚴慈明六十

卜隣年少日陵谷  
太忽忽酒德宜三雅  
高名敵八龍素

秋看勁草歲暮挺寒松白盡安仁髮相歡社醞濃

次韻題嘯歌閣

前賢遺宅近何如樹有巢禽水有魚披草尚存彭澤徑  
誅茅還似楚臣居一丘無恙時空改五畝常留迹未踈  
極目江楓堪弔處離騷讀盡意難舒

次韻和明節舍弟夢中得句

夢中鶴鹿自相逢似入仙家第幾峰縱有杖藜歸去路  
難尋蠟屐却遊踪眼前觸石生雲氣耳畔驚濤沸占松  
役盡吟魂佳句在醒來不覺已晨鐘

無題二首

傅粉施朱盡合宜玉臺鸞鏡見花枝若教號國夫人在  
應笑當時只掃眉  
玉殿寒生桂影微廣庭端稱素霓衣四更燈火門前散  
道是明皇月裏歸

月桂楊妃山茶雪中盛開次明節韻

一天風雪正交加庭下雙葩忽吐芽月姊自依仙桂影  
楊妃曾比牡丹花嘉名種種誰先識粉態盈盈白可誇  
莫愛溪邊桃與李東君消息到來賒

觀劇口號寄李膚公演天啓時事

是非一變不堪論優戲臨場却是真他日青編今日恨  
前番白骨後番塵蘆中何處容窮士地下曾經有枉人  
堪歎東城鬪雞老每談遺事淚沾巾

錦峰春遊四首

殘寒欲去雨濛濛花信相催次第風嚴相祠前芳草路  
隔牆偏認一枝紅  
行到平湖綠水邊一行楊柳罩新烟灣堤如畫人如玉  
簫鼓紛紜繫綵船  
幾日黃鸝喚早眠朱門關鎖出神仙香車輾盡青青色

正是新晴柳絮天  
早是回頭見晚霞君今未醉莫還家少年努力尋春去  
不見枝頭已落花

九日寄鄴仙

菊信朝來晚東籬少落英登山嫌日短秉燭喜秋清未  
說延年事猶歡九日名新詩題歲月相與愧淵明

贈載之師

三衣不識陌頭塵日午生臺鳥雀馴最得禪餘詩句好  
有時披草訪閒人

勗公以夢中照鏡偈見示漫贈

四大都知渾是幻錯將皮肉別妍媸夢中更覓青銅影  
面目依稀似阿誰

石田翁有謝孫世節藜杖詩今春孝維以藜杖  
爲惠有古人風顧沈先生難繼耳步韻謝之

強壯更世變俄然已扶杖古人去我久時運如反掌孝  
維西川孫雅誼今無兩遂感石田詩贈藜悲我長緩步  
代車馬流憇隨心往

贈許青浮移居

移家不用檝頭船一桁青林過輞川愛客儘賒書酒券  
看囊餘得畫叉錢讀騷重遡庚寅歲編卷從標甲子年  
他日此中應拔宅遠遊玉斧總成仙

某禪者有歸宗之相戲之

不論酒肆與淫坊到處都爲選佛場寄語相師高著眼  
如來不作轉輪王

錢觀察故宅有二石獸郡吏移之於公署有爲

石獅行者余自鼎革以來嘗遜言避事不勝  
其悲勉慰子慕以一律

雀羅張處兩俊貌邪許聲聲一旦移晏宅空餘隣舊在



于門奈值廢興時銅駝此日猶荆棘翁仲當年合淚垂  
四世五王曾納土憑君強飯莫言悲

梁溪二泉亭四首

構得新亭向水邊九龍山影漱秋烟中冷惟得江波濁  
此是人間第一泉

五柳依依滿縣春銅章墨綬有高人不知香冽還宜酒  
留與陶家洗葛巾

琉璃一片照心明沙石稜稜徹底清但向山間了公事  
便應勝却冷泉亭

廉吏當年有隱之冰清無改此心知此泉却稱夷齊飲  
不羨貪泉四句詩

蘭次高陽夫人韻

幽谷生佳卉無人爲發揚終須因彩鳳啣取一枝香  
懷夢憐方朔同心贈謝娘如何楚臣珮猗犬妬芬芳

鷄

碧樹一聲曉交啣及曉光高冠紅玉聳采羽錦花長  
養德知無敵先鳴久擅場九雛如鳳鳥飲食自相將

鳳

阿閣梧棲穩華池竹實饒搏風自丹穴蔽日下青霄  
振羽迴如舞長鳴嘒若簫台階如稷契雅樂佇聞韶

鶴

昂藏千里翼鳴和引胎仙玉葉霜衣淨靈桃日頂鮮  
九臯聞警露一舉見翀天縱嶺當時事笙聲入紫烟

有贈

弓裘冠蓋有光輝才器如君一世稀綵筆牋題魚腹字  
歌梁塵拂鼠毛衣筵中花影金尊滿陌上風香玉勒歸  
養就垂天看海運他年應待九霄飛

頌邑令于公

虞山高幾里于公哺人如赤子吏不呼門百姓喜齊  
女當年望齊處四顧簇簇炊烟起黃頭孺兒白首翁熙  
熙無事歌田中稻苗油油桑童童滿眼花枝春色融漢  
于公今于公千秋相望仁惠同高門積慶方無窮天子  
何時相循吏當令四海生春風

題壽鶴圖代賀某相公

普天敷惠化九譯貢嘉祥調鼎賢臣壽披圖聖運昌蜀  
鷄當祀典楚鳳變文章鶴鶴依靈圃朝飛愛玉光

和願仲題柏木界尺

祗持密石磨貞柏不琢荆山不鑄金一尺分明何所似  
擬將堅直比君心

壽某翁七十

岳降當佳日延年采落英舊交來鄭驛世業在韋經已  
自成遺老何曾畏後生尊前欣健在會待泰階平

贈素雲與前作不同

梅前菊後正無花冬夜沉沉玉漏賒巫女莫言雲是夢  
洛神應道日昇霞蜀琴調促朱絃怨湘瑟人歸燭影斜  
一曲休嫌良會少春風常自滿天涯

賀某官六十生日有序

讀謝臯羽之書歎唐廷之事至于上帝感之行其胤嗣  
錫以家室天道神明於忠臣何如哉獨惟當時文士長  
歌短篇照耀編簡如我今日非無其人也何其文章之  
寂寞歟如某官某公櫻方張之鋒飛文上請使春陵佳  
氣粉榆舊里不被戎馬蹂踐之苦視唐君所爲孰難易  
哉噫神理不爽則我公之福祿殆未有艾也公今年六  
十將稱觴因爲歌以壽以繼臯羽之篇

嘉禾瑞光日彤彤積善餘慶百祥鍾槃槃大才蓋世翁  
平生萬卷堆心胸一條壯氣盤長虹研丹破石懷赤忠

會持箋書犯軍鋒至誠所感無不通濠泗不見戎馬蹤  
歸來闔口不言功把筆著書傳無窮芝蘭玉樹羅庭中  
高門車馬來憧憧昊天福善惟至公豈得無壽如喬松  
鬢鬢雙頰紅今年甲子方一終壽筵談笑何從容  
蓬萊海屋玉闕崇巨鼇起舞戴靈峰仙桃磊落玉酒濃  
列仙之儒東海東青禽習習陵長風黃鶴送酒舞仙僮  
上君萬壽福祿豐

訓友人韻

不得梯媒進步難每逢知己但長歎窮如海鳥愁過魯  
冷似蝦蟆怕屬官破甕轉頭成蝶夢直釣多事守魚灘  
半生筆硯朱紫渾是朝饑待一餐

贈蘇于九

好事兼多學神襟不可量白虹占寶氣赤土發星芒處  
世才方急前途日正長不嫌霜鬢客未契在文章

蠟梅

蠟透膏凝朶朶新梅前菊後見精神不調傳說和羹鼎  
自報周王建子春午夢未成香更烈小窻叢發影偏親  
當心一點真堪惜似把濃檀注絳唇

雨春

百事無聊望眼迷輕寒長日鎮淒淒高樓霧鎖空垂幕  
金埒塵凝尚阻泥滋養荆榛克大道摧殘桃李泣芳蹊  
陽烏無力扶桑冷辛苦花冠冒曉啼

初冬文讌

誰許衰殘預品流彩箋佳句苦難酬山街愛日疑寒色  
籬發黃花帶晚秋金谷已傳潘岳序竹林還共阮咸遊  
時舍侄寶伯與會  
年來戶小非疇昔欲醉相憑莫下籌

元旦

衙門乍啓景光新遙聽歡聲在四隣犯曉一尊藍尾酒

開年五十白頭人彩牋佳句心猶在陌上狂遊事已陳  
更傍茆檐負暄坐蕭蕭紅日愧長貧

代頌直指某公

良農秉耒耜除莠滋嘉穀金風野草盡亭亭獨貞木聖  
朝慎黜陟光如太陽燭江漢繞荆楚民輕因土沃中臺  
有君子皎皎霜威肅置身脂膏地冰蘖常無欲佞就屈  
軼指邪同獬豸觸烏雀徒啁嘈敢拒鷹鷂逐二南有古  
風歌謠起方俗祝公履槐鼎愷悌膺百祿四海滿蒼黔  
共蔭千間屋

柳枝詞二首

半拂高樓半拂塵千條輕露月中新斑駁飛去行人絕  
腸斷空闌不睡人  
草長蜂飛發暖天後園人散罷秋千絲絲池上渾無力  
一隻金鸞到地懸

代贈某贊府

蟠根遊刃未爲難疲俗爭歌贊政寬秋稼千箱應自樂  
冬衣五袴不知寒賜音載好黎民化犬足生菴比室安  
擬詠如川祝仁壽滔滔琴水有清瀾

於友人齋中見唐文粹是亾友題籤慨然有作  
神清衛玠若爲儔曾駕羊車入市遊夢裏幾年迷玉貌  
窻前今日見銀鈞柳家新樣偏迥異唐代遺文舊投讐  
未契托君君早逝平生心抱漫悠悠

次韻和夕公豔體

新綠厄重學清齋蕭索空房鬱悶懷已作長捐悲鳳扇  
不曾雙宿愧鸞釵漢珠拋去難同月楚珮焚時不及柴  
何似新年花勝上宜春還琢小金牌

永徹爲樓上佳人所笑

齟齬休矜笑態新襟前猶是畫梁塵平原當日渾閒事

爭似和身乞與人

友人三十初度二首

鷺歌鳳舞列仙家香咽雲屏夜漏賒佳句欲成人半醉  
須傾北斗酌流霞

任道麻姑海似田金尊酌酒祝華顛歌筵文讌從今去  
且得人間七十年

代壽錢母

繁星斂影雲葉鮮金波不定玉鏡圓西河真人撼桂樹  
紛紛芳實墮遙天北堂慈容似西姥丹顏金骨首矐然  
蘭香玉立兩庭樹彭城自昔多名賢天目山高茗水遠  
君家世蔭由彭篋餘杭油囊進玉爵綵衣雙舞歡膝前  
靈桃有子大椿老不知今日當何年燒金度世雖虛說  
鴻範五福常無偏貞心懿德照九族豈得無壽如神仙  
吾家中外有名族喬松蘿附誇姻聯捧觴此日拜眉壽

爲母朗誦南山篇麻姑萬歲猶稱少眼看幾度變桑田

戲補元微之和樂天代書百韻有小序

余讀長慶集愛其次韻酬荅元集荅樂天代書詩惟得  
廿五韻自後盡逸求之不得聊補其文頗效元語與少  
年兄弟爲戲近日學余爲詩者頗譏余多二韻詩以爲  
不能大篇今此誠未得與元並驅視少年所爲當庶幾  
也

云云籌煩巡更數令促醉來遺急雨催狂點傾河注漏  
炬燭紅花燼燧月冷夜遲遲新客分車迂妖姬借馬騎  
醉釵從臂掛酒袂任欹垂衝席頻號寶遮逃遣塞歧飲  
徒難隔澗茶具漫追隨每恨嚴更促常將小戶推幸無  
妨士行豈解重官資  
愛日狂態惜乖時羽翼須鵬擊文章亦豹窺何辭長感  
感抵自日孜孜拭土光埋劍開囊處露錐箭飛堪破葉

鈞直漫依坻析理摛精論批鱗尚切詞裁綸方合軌覆  
篲乍成基自許三冬足何曾十上疲先鳴初被羽一戰  
已搴旗晁董難儔對公孫冠等衰薨龍爭注挹鷓鴣鬱  
離披致命供驅策傾身受繫縻聯飛方共翼散足條分  
馳漢殿通金籍秦官立玉墀鈞陳龍匿匪班列雁參差  
簪筆當螭首披旒見日姿天儀凝肅穆袞服曜歲蕤虎  
衛森霜雪鷄人倡喔咿鞠躬當要職直道作男兒指佞  
寧持祿摧奸敢顧私祗知驅鳥雀不暇問狐狸槐棘應  
無援椒蘭自見欺微才甘重謫時政歎無毗從古皆遭  
此非余獨遇茲尚能於道在未解悔言危履尾誠蒙險  
騰詞莫抵熾良金燒易鏢白璧剖還疑直木宜先伐孤  
松冷受萎洛東歸未幾南海勢難支玄髮因愁改豐肌  
受瘴疰辛酸隨木梗憔悴泣江離魏闕魂常繞朋僚恨  
久辭情懷真去魯事意比居夷感地青雲路呵天畫筆

祠無心邀鄭珮有淚迸羊碑埋沒三閭迹荒涼七澤滄  
江烟昏樹木水鳥宿城埤遠夢宵悽切鄉思旦湧瀾果  
盤皆橘柚漁戶仰鷓鴣歧首多潛穴偏蹄怕決籬葺荷  
成楚製飲露待朝炊蛙繫羞投足鮒枯自曝暑卜雞寧  
可信賦鵬湯經思藜苦應難習蓋寒自欲吹濕多恒足  
腫瘡苦漸腰羸海錯時調鼎官酷慣啜醴招魂悲宋玉  
操樂乏鍾儀撫樹才慚櫟窺園智謝葵食思河鯉美衣  
惜洛塵緇數助非江鼈剗腸畏海龜卜居尋鄭尹愁病  
覓盧醫吾道應窮矣君心豈憶斯舊恩同日皎良信枉  
天泥坐卧克懷袖悲歡隔履綦瓌奇連寶玉芬馥勝蘭  
芝感昔尋歡洽傷今念別離參商喻遠日月感傾虧  
業被青蠅玷何勞駟馬追蘭情知未改玉色任伊衰雨  
露誠非異冰霜欲似誰芳英餐菊蓋山鬼駕辛夷引分  
甘低首灰心罷朶願自然遷客苦不爲長年悲籠鳥方

垂翮綠鷹自恨饑前途殊未極日暮欲何之

今所行本元氏長慶集和樂天代書百韻俱缺二十五韻以下先鈍吟戲爲足成之後得東礪歲宋刻本已完好無遺矣然以先鈍吟之作較之元相原作真若紀昌飛衛之不相下不忍廢置敬存錄之

牡丹賦

有唐第六帝受命御極時和政清四海昇平天子暇豫侍女八千楊妃獨絕號爲傾城乃以暮春之月立命五王從諸姨宴於沈香之亭于時也百卉具肥牡丹晚出而獨擅佳名烘然秀發灑灑盈盈乃命詞臣而賦之李翰林者太白之精也抽毫捧牘而進曰沾洗之月萌芽畢適桃蹊李蹊春已暮柳冉冉兮桑童童融融瑞日習習惠風鬪鴨關兮玉列翡翠箔兮雲重連霞疊綺發乎其中神女之雲美人之虹奇姿橫出變態無窮悵然若

思凝然若疑嗟然若笑泫然如啼橫陳兮脉脉立望兮遲遲長短不定穠纖自宜粉融宵汗朱含曉姿昔者漢殿七夕阿母降於武皇鬱鬱乎百和之烟燦燦兮九枝之光采兮若英神女侍傍或乘麒麟或騎鳳凰神光離合天容煌煌雙成飛瓊之倫豔色殊粧視此之烘然齊發曾不足以相方也苧蘿之女教於土城旣而入貢吳庭嬌歌鳳轉艷舞鸞驚王登姑蘇之臺以見之臨玉檻俯彫甍遷延不進明珠之珮鏘然作聲蒙以白苧霏霏兮如烟之輕自下望之若神仙之降於太清若擬於牡丹則西施鄭旦枉得佳名也若夫仙掌未晞濃露如霰紅苞乍啓胭脂呈見玉瑩鮮膚凝粉面瞰日射之頰然色變有似邢夫人淡服不粧流目微眄遲迴雅步前升廣殿尹姬愕焉失色自痛不如流涕妬美衆品雜出灼爍茸茸輕黃淡白淺碧深紅譬之文君之錦巧奪天

工千花萬葉翠間朱叢濯之爛然映江波之溶溶纖身  
微倦臉際丹融天天之色不得舍牡丹而言芙蓉也重  
樓曲廡珠簾繡幕有情而無言當關兮綽約則如麗華  
登於三閣光采盈眸立當珠箔亦有羣葩未吐一朶先  
秀皎然孤出正當文苑又有明妃含情斂袖自請和戎  
光動左右惟牡丹之豔絕羣芳莫比太白含豪揣稱沈  
思未已貴妃捧硯頷之而色喜俄而輕颺襲裾芬香郁  
然而起翰林乃稱曰燕趙之姝鄭衛之美其粉白黛綠  
蓋無足紀今天人在御此花其可以相擬也乃爲牡丹  
之詩韶黃翻綽案聲而歌之曰奇葩迥絕塵天使殿芳  
春蓮花何足歎芍藥枉爲隣南國北方誰得似惟有當  
今絕世人又曰國色承天寵名花出雒陽從今休數忘  
憂草萬歲千秋樂未央

鈍吟老人集外詩



鈍吟樂府自序

余嘗侍於長者語次論及樂府見誨曰曲子以聲爲主其辭不離本色場上之曲與科介相應優兒傳粉墨而歌之欲得俚童野老哭拊不禁斯爲能事若三人不解則工而無所施矣套數之體當使西園公子南國佳人坐綺筵而聽之苟雜以鄙詞恐辱我象板鸞簫也小令務在調笑陶寫施於斜行小字嘌唱曼聲但得俊語相叅收拾出衆便爲佳手斯言邈然寂無知者余亦貧病無暇於此二十年前曾爲贈同學貴人北詞一套爲亾友袁君從所賞酒次喜道其辭曰逞然你雕闌日暖春風貴念盡我共被秋眠夜雨寒俄而君從玉折遺書散落余之所製亦同雲烟嗣後玉生特喜宮商之文此君一時潘衛雅善于余每有題贈輒隨事和之頗多規切不幸中於飛謗圍戶之中遺余書曰掃眉才子忽爲靡

蕪故人何當坐公小樓畫棟之下唱渠繁花一雨消與  
公綠窻風曉使阿鳳遊魂聽之耶其情致如此鍾期已  
矣破琴之悲情何可極雖形氣龐存神爽都盡哀哉哀  
哉小年兄弟近日頗有存錄余文者錄成一編聊以遺  
之遂書前事以為首序投筆慟哭如何如何余馮姓名  
班玉生嘗拆余名呼為雙玉生今亦以自命云崇禎十  
六年季冬日書

集賢賓

一樹芙蓉臨晚水碧波中蕩漾紅姿繡戶佳人誰得覩  
向湖山盈盈斜倚影來池底似漢渚弄珠雙美間比擬  
笑太赤東家處子右題畫美人扇

又

秋來向晚雲縹緲碧空中誰畫眉梢一招纖痕光料峭  
看嫦娥襪羅輕巧人間夜杳似我恨團圓時少丹桂早

望不出玄霜誰搗右新月

玉抱肚

粉痕沾被膩香濃教人暗疑帶多才宋玉東隣是宵來  
與伊同睡芳心遙想透靈犀一點幽香若個知右戲贈陳圓曉

又

新詩較可愛佳人雲窩玉梭逞風流暗句包籠不掛量  
許人酬和陽春一曲奈君何背地風情積漸多右戲贈錢願仲

又

感伊知重對蘭缸花温玉鬆灩金尊欲語還休半含羞  
綠波偷送不堪人散畫堂中却望團圓怨曉風

又

花心輕揉似全非當時鳳儔正含思半晌驚疑百怵中  
一聲厮擣難禁小鹿撞心頭人去桃源不可留

又



春來消瘦瓊窻人誰經暗偷偶然間一句參差被他家  
巧言厮逗疑着窻外不回頭斜倚胡床半日羞

山坡羊 贈別

窻外月光斜照枕上鴛鴦雙笑無端恰是鷄兒叫偷眼  
照殘粧兀未消回身再把纖腰抱細汗沾軀別樣嬌魂  
勞待饒人又怎饒心搖欲拋伊却怎拋

皂羅袍

恁是寒冬天道怎宵來一晌便換了明朝是歡娛容易  
過良宵怕來宵又是愁難曉玉容半面鸞交鳳交金闈  
一步山遙水遙幾時得天台再放劉郎到

解三醒犯八聲甘州

一任的別多會少也會經雁沈魚杳怎當他玉搓斜軀  
胸前靠分手處越嬌饒水眸覩人花縹緲雲鬢蓬鬆落  
翠翹多嬌一般般印在心苗

玉抱肚

情懷顛倒這其間教人怎熬喜花兒搵透紋綃猛可地  
腕前輕掉羞生雙臉暈紅潮伴倚薰籠整繡袍

掉角兒序犯望吾鄉

肯分的花殘玉銷幾年裏暗約明邀到而今親承這遭  
美恩情儘不虛囂沒福招姻嫁巧恩意饒流年正是花  
星耀同歡樂似漆膠再有誰知道

尾聲

寵愛深心情好些兒得空莫辭勞免得衷腸似火燒

